

CHADZIMIRA CHEPAMWEYA



Zvino ndinotenda, zvino ndinotenda,
Zvinhu zvose zvinogoneka, zvino ndinotenda;
Zvino ndinotenda, zvino ndinotenda,
Zvinhu zvose zvinogoneka, zvino ndinotenda.

² Ngatirambei takasimuka kwechinguvana zvino kuitira Shoko raShe. Ngativhurei kuna Amosi, muporofita Amosi, chitsauko 3, kutanga nevhesi 1.

³ Ndinoda kutenda Hanzvadzi Juanita naAnna Jeanne naHanzvadzi Moore, nekuda kwenhevedzano yenziyo dzakanaka. Zvadzosera kare, pandanga ndakagara apo ndichidziteerera. Ndanga ndichifunga, pavakanga vainesu, vachiiimba mumbuserere, Hama Jack nenitaitaura, vasikana ava vaiva tusikana tudiki kwazvo, vachingova, kasikana kadiki kane 16, zvakada kudaro. Zvino, ndinofunga, Hanzvadzi Anna Jeanne vane vana 5, uye Hanzvadzi Juanita vane—vane... ndimai vevana 2. Uye tave pedyosa nekudoka kwezuva ikoko, madzimai, kupfuura zvataiva kareko, musiyano wemakore angaita 16. Munguva isipi, tichange tichiyambukira mhiri, munguva iyoyo inobwinya.

⁴ Zvino muna Amosi chitsauko 3, ngativerengei.

*Inzwai shoko iri rakataurwa naJEHOVHA
richikupikisai, O vana vaIsiraeri, pamusoro pemhuri
yose yandakaunza... kubva muEgipita, ndichiti,*

*Ndimi mogva vandakaziva... pamhuri dzose
dzepanyika: naizvozvo ndichakurangai pamusoro...
pekusarurama kwenyu.*

*Ko vaviri vangafamba pamwe chete, vasina
kumbotenderana here?*

*Ko shumba ingaomba mudondo, isina chayakaruma
here? ko shumba duku ingarira mubako rayo, iyo isina
chayakabata here?*

*Ko shiri ingawira mumusungo panyika, paisina
kudzikirwa rugombe here? ko munhu angatora musungo
muvhu here, uye asina chaabata pauri?*

*Ko hwamanda ingaridzwa muguta, vanhu vakasaty
here? ko guta ringawirwa nezvakaipa, JEHOVHA asina
kuzviita here?*

*Zvirokwazvo Ishe... haangaiti chinhu, asi anozarura
zvakavanzika zvake kuvaranda vake vaporofita.*

*Shumba yaomba, ndiani angarega kutya? Ishe...
akataura, ndiani angarega kuperofita?*

Ngatikotamisei misoro yedu.

⁵ Ishe Jesu, dai iri, Shoko reNyu, Ishe, dai tikava nekuyanana manheru ano pachikamu ichochi. Tinonamata, Ishe, kuti Mugotipa chirevo pane zvinyorwa, zvatichatora kubva pano, uye dai zvikaunza kukudzwa kwaMuri. Tiropafadzei zvatakamirira, Ishe, manheru ano, paShoko reNyu. Podzai vanorwara nevanotambudzwa. Ponesai vakarasika. Ipai simba kune vane hутera, Ishe, vari kupera simba, zvose panyama nepamweya. Uye mutipeiwo kudururwa kukuru kweHupo hweNyu, nekuti tinozvikumbira muZita raJesu. Ameni.

⁶ Ndinoda kutora semusoro wenyaya, kubva pane izvi, manheru ano: *Chadzimira Chepamweya*.

⁷ Musakanganwe, mangwana, pane kunamatirwa kwevanorwara mangwana. Tiri kutarisira kuti Ishe vaite zvinhu zvikuru kwazvo, mangwana masikati na 2 o'clock, apo tino... patinotanga shumiro yedu. Mukomana achange ari pano kuzopa makadhi okunamatirwa. Uye munhu wese achanamatirwa anoda kunamatirwa. Zvakare tiri kutarisira nguva huru, mangwana, munaShe.

⁸ Zvino imi vanhu muri pano, mashanya muchibva kunze kweguta. Rangarirai, kune machechi akanaka, eVhangeri rakazara muguta rose. Munogamuchirwa kwaari ose.

⁹ Ndanga ndichingotaura hangu nemumwe wevafundisi vandinoshanda navo, panze, achangopinda, Hama Jackson, vaimbova vechechi yeMethodisti, kudzika guta rimwe kana 2 zasi kwedu.

¹⁰ Uye vangani vari pano vanobatana netabhenakeri, ngationei maoko enyu, kwese-kwese. Ini zvangu, ndinofara chaizvo—chaizvo nekuva nemi kuno. Uyu ndiwo musangano wandakambova ndiri pedyosa neIndiana kwenguva yakati kuti. Ndiri kufunga zvokudzoka, nenguva isipi, uye todzika tende uye nekuva neHwamanda dziya 7 dzekupedzisira, Ishe vachitendera.

¹¹ Saka, zvino, asi rangarirai mangwana. Musazvikanganwe, mangwana na 2 o'clock. Uye, zvino, shumiro yedu inotevera ichatanga vhiki rinouya, muTampa, Florida.

¹² Zvino ndinoda kutaura pamusoro pe: *Chadzim-... Chadzimira Chepamweya*.

¹³ Zvino, muchinda mudiki uyu watiri kutaura nezvake, Amosi, kwekanguva, kuti tiwane nheyo yedu tisati tasvika kuchidzidzo chacho. Izvi zvakaitika panguva yekubudirira kukuru muSamaria. Israeri yakanga yabudirira. Yakanga yanyatsotevera nyika kwazvo uye ndokunge yabudirira.

¹⁴ Hapasi pese kubudirira pakunova chiratidzo chemaropafadzo epamweya, asi dzimwe nguva zvinotopesana. Vanhu vanofunga kuti zvime uno fanira kuva nezvihu zvakawanda zvepanyika, uye zvoratidza kuti Mwari vari

kukuropafadza. Ichocco hachisi chokwadi. Dzimwe nguva nderimwe divi racho.

¹⁵ Asi tinomuwana, uyu, hatizive zvakawanda pamusoro pemuchinda mudiki uyu. Iye, hatina nhoroondo, yekwaakabva. Tinoziva kuti iye, maererano neMagwaro pano, iye mufudzi, asi Mwari vakanga vamusimudza.

¹⁶ Ndinogona kufungidzira ndichiona zvangu, nerimwe zuva raipisa muSamaria imomo, rimwe remaguta makuru revashanyi ari pasi rose muzuva iroro. Nderimwe rakada kuva sezhvakaita, tingati, Miami, kana—kana Hollywood, Los Angeles, dzimwe dzenzvimbo idzodzo dzakadaro, imwe nzvimbo huru yevashanyi. Uye tinogona kungofungidzira tichimuona. Akanga asati ambopinda muguta rakadaro. Asi, aive neShoko raShe, akanga achiuya kuguta guru iri rakanga rakanutirwa zvivi kumativi ose. Vashumiri vose vakanga vabva paShoko raMwari, uye vakanga vasina kumbova nemuporofita kwemakore akawanda.

¹⁷ Zvino saka muchinda mudiki uyu, paakanga akwira pamusoro pechikomo, kwakangoita sekuchamhembe kweSamaria, ndinogona kufungidzira ndichimuona, zuva rinopisa richipenya zasi, uye ndebvu dzake chena pahuso hwake, uye maziso akae madiki akatsinzinyira, nemusoro wake muduku, une mhanza waipenya, paaitarira zasi paguta iroro. Zvino maziso akae akatsinzinyira. Akanga asiri kutarisa zvinowanzoonekwa nevashanyi, kuenda muguta nekunoona zvinoyevedza zvaro zvose zverunako. Akatarisa ndokuona kuti mamiriro akadii akanga ava neguta iroro, guta raimbove guta raMwari, uye rakanga rapinda mukuora kwehunhu kwakadaro. Ndosaka...

¹⁸ Muchinda mudiki uyu, asingazivikanwe aiva Amosi muporofita. Uye nazvino hatizive zvakawanda nezvake. Hatzive kwaakabva. Vaporofita kazhinji vanouya panzvimbvo, vasingazivikanwe, vobva vaenda nenzira imwe cheteyo. Hatzive kwavanobva, kwavanoenda, hatizive nezvenhoroondo dzavo. Mwari vanongovasimudza. Akanga asingayevedze kwazvo pakumutarisa, asi aiva neZVANZI NAJEHOVHA. Ndicho chinhu chikuru chandinoona. Chokwadi, akauya kuSamaria kuti atange mbuserere yake. Ndine chokwadi chekuti akanga asina kana munhu aibatirana naye. Akanga asina kadhi reruwadzano kubva kune chero sangano zvaro. Akanga asina magwaro ekuratidza kuti anobva kuboka ripi. Uye, asi, aive nechinhu chimwe chete, aiva neShoko raJehovah kuguta iroro.

¹⁹ Uye handizive, kuti dai taikwanisa kuunza Amosi, nhasi, zasi kunguva yedu, handizive kana aizogamuchirika muguta redu nhasi. Handizive kana taizomugamuchirika, kana kuti taizoita sezhvakangoitawo ivo. Tinowana maguta edu ari mukuora kumwe cheteko. Uye tinoona kuti chivi chakangokurumbira pakati pevanhu, sezhvachaiva kareko.

Uye hameno, kuti murume mudiki uyu, asingazivikanwe, kuti achatanga sei mbuserere iyi? Sei, achatangira papi? Achaenda kuchechi ipi, kana kuti ndiani achabatirana naye? Akanga asina chinoratidza kwaakabva, hapana chaaiva nacho zvachose kunze kweZVANZI NAJEHOVHA kuguta iri.

²⁰ Akavawana vaora kwazvo uye vaora kwazvo pahunhu, yaiva nguva huru. Vakadzi muguta iroro vakanga vaita sezvarari muUnited States potse. Vakanga vaora. Zvese zvaive zvatarisirwa naMwari kubva kwavari, vakanga vaenda chaizvo neimwe nzira yacho. Uye—uye tinoona kuti yakanga iri nzvimbo huru yavaiva nemitambo mumugwagwa, madzimai vachikatanura mbatya dzavo zvisina hunhu, nezvime zvakadaro, seavo vanoita mitambo yekukatanura mbatya. Honguka, chaiva chivaraidzo cheveruzhinji mumazuva iwayo, iye zvino chava chemazuva ese. Ingorega kunze kupise, zvino hazvitorere kuti uende kune chero mutambo. Vakazara mumugwagwa, chero kipi, zvisinei. Munonyadzisa imi vakadzi, kuita chinhu chakadaro! Hamuzvinyarire pachenyu here?

²¹ Uye zvakare—uye zvakare ndakazvitaura kune mumwe mudzimai pano, kasiri kare, zvino akati, “Handiti,” akati, “Hama Branham,” akati, “izvozvo, zvaka—zvakangofanana nevamwe vakadzi vese.”

²² Ndkati, “Asi isu hatifanirwe kuzvibata sevamwe vanhu vese. Takasiyana. Tiri vehunhu hwa—hwakasiyana.”

²³ Zvinondirangaridza nezvemumwe mukadzi, akati, “Asika, Hama Branham,” mumwezve akati, “Ini—ini—ini handipfefe zvikabudura izvozvo.” Akati, “Ndinopfeka midhebhe.”

²⁴ Ndkati, “Zvakatonyanyisa kuipa.” Uh! “Mwari vakati, ‘Chinyangadzo,’ pamberi paVo, ‘kuti mudzimai apfeke nguwo yemunhurume.’” Ndizvozvo chaizvo.

Mumwe akati, “Manjeka, havagadzire dzimwewo mbatya.”

“Vachiri kugadzira michina yekusonesa uye vane machira acho.”

²⁵ Hapana pembedzo. Ndeicho chete chiri mumoyo. Ndicho chinooneka kunze. Chi—chinonozvizivisa pachezvacho.

²⁶ Uye zvino tinoona, muguta iri, rakava rakaora pahunhu. Vaparidzi vakanga vachitya kutaura chinhu pamusoro pazvo. Zvino, asi vaiva nemudiki, muchinda mudiki uyu aikwidza nepamusoro pechikomo ichi, aiuya kuzovaudza ZVANZI NAJEHOVHA, “Chenesai chinhu ichi, kana kuti muchaenda muhutapwa.” Zvino akararama kuti aone mazuva echiporofita chake chichizadziswa. Akaporofita mumazuva aJerobhoamu Wechipiri, uyo aingovawo hake murambiwa, zvisinei; iye—iye aida kwazvo mamwe marudzi. Zvino—zvino Amosi mudiki uyu akaporofita zvino akavaudza, akati, “Ivo Mwari vacho vamunoti imi munoshumira, Vachakuparadzai.” Uye Vakazviita.

²⁷ Zvino dai inzwi rake ranga riri pano manheru ano, muno... muBirmingham, raizoreva zvimwe chetezvo kumachechi. “Ivo Mwari vacho vamunoti manga muchishumira, vachakuparadzai rimwe zuva.” Handisi kutaura kuungano iri pano. Matepi aya anotenderera pasi rose. Zvino, rangarirai, ichokwadi ichocho.

²⁸ Zvino akabva aona kuti, paakapinda muguta iri, kuti iye...zvinhu zvese izvi, handizivewo kuti akanzwa sei kutarisa nekuona huori hwевану vaMwari, vaakatumwa kwavari.

²⁹ Handizive kana taizomugamuchira zvino? Dai ainzi auya kuno, taizo—taizobatirana pamwe naye here? Taizomupa here zvakanakisisa zvedu—zvedu? Taizomupa nzeve dzedu here? Taizotendeuka here kana aizotiuza kuti tinofanira kudzokera kuShoko raShe uye toita nenzira yakataurwa naShe kuti tiite?

³⁰ Hameno kuti hanzvadzi dzedu dzaizoita sei nevhudzi ravo rakagerwa? Vaizosiya vhudzi ravo richikura zvakare here, kana Amosi akauya? Aizozviparidza, uye ndiri kukuudzai kudaro, nekuti iroro iShoko raShe.

³¹ Ini—ini handizive kana mabhodhi edu—edu achigadza madhikoni, akaroora ka 3 kana ka 4, ne—nezhimwe zvakadaro, uye vachiedza kuva madhikoni, hameno kuti zvinhu zvose izvi, handizive kuti aizoita sei kumurume anotendera mudzimai wake kupfeka zvikabudura uye obuda mumugwagwa kunze uko, onocheka huswa pachivanze, kunze muchivanze, apo varume vari kudarika nepo? Handizive kuti aizoti kudii kumurume akadaro?

³² Aizozviputitsa nezvose zvaiva maari, nekuti aiva neZVANZI NAJEHOVHA, uye hapana chimwe chaaigona kuita kunze kweizvozvo. Akawawana muzuva iroro vaine hurwere hwakaipa kwazvo, chadzimira chepamweya, zvino ndicho chaicho chatinacho nhasi.

³³ Zvino, ko akaziva sei zvaizoitika? Ko Amosi aizoziva sei? Kutanga, aiva muporofita. Uye, chinhu chinotevera, akaziva nehurwere hwacho izvo zvaive ongororo yacho, zvino aizoziva kuti mhedzisiro yacho yaizovei.

³⁴ Kana chiremba akatarisa bundu rekenza uye oona kuti kenza iyoyo yakatopararira, anoziva kuti hapana chimwe chasara kunze kwerufu. Ndizvo zvega, kunze kwekunge Mwari vaita chimwe chinhu pamusoro pazvo.

³⁵ Zvino, kana ukatarisa guta, uye wotarisa vanhu, wotarisa chechi, uye wotarisa vanhu vari kure kwazvo naMwari, hapana chimwe kunze kwekuongorora kuti, “Chivi! ‘Uye mubairo wechivi rufu.’ Iri kufa.” Ongororo yacho inoratidza kuti chii. Munoona, kana vanhu vabva pana Mwari uye vasingateerere kuShoko, vasisina chishuwo cheShoko, zvino pane ongororo imwe chete kwazviri, “‘Mweya unotadza, mweya iwoyo uchafa.’ Kusatenda kuchakuparadzanisa naMwari.” Ndizvozvo chaizvo.

³⁶ Kuti, aiziva hurwere hwacho, kuti mhedzisiro yacho yaivei, paakaona hurwere hwe—hwechivi muguta iri.

³⁷ Zvino, chadzimira ichi, tinoudzwa kuti chi—chi—chi... chinokukonzera kuti uve panzvimbo yekusakwanisa kuzviziva iwe pachako. Zvino, chinhu chisina kujairika. Hachiwanzoitika kakawanda, asi chinokonzerwa nekuvhundutswa. Ndemumwe munhu asingatomboziva kuti ambori ani. Munozviwana kubva muhondo, dzimwe nguva, masoja anobatwa nacho. Dzimwe nguva vanhu vanobatwa nacho. Chimwe chinhu chinochikonzera, kushushikana. Kushushikana kunochikonzera.

³⁸ Kushushikana hakuna pundutso, zvachose. Hongu, chingo—chingo—chingosiya kushushikana, uye wogamuchira kutenda.

³⁹ Mumwe munhu akati, “Asika, zvino, ko kana uri kuzopfurwa mangwanani, haungashushikane here?”

Ndikati, “Kwete, handifunge kudaro.”

“Sei?”

Ndakati, “Kushushikana hakwaigona kuita chinhu kunze kwekundiwedzera kunetseka.”

“Zvino, zvinozobatsirei kunge uine kutenda?”

Ndikati, “Kunogona kundinunura.” Uye ndizvozvo chaizvo, munooona.

⁴⁰ Saka kushushikana hakuna pundutso, zvachose, asi kutenda kune pundutso yose. Tenda!

Zvino kushushikana dzimwe nguva kunochikonzera.

⁴¹ Uye chimwe chinhu chinochikonzera pakati pevanhu, kunge uri pakati pepfungwa 2. Zvinokonzera chadzimira. Uye zvinokusvitsa panzvimbo iyo iwe—iwe, chaizvoizvo, zwaita, warasikirwa nenjere dzako. Warasikirwa nepfungwa dzako. Haugone kuziva... Hausi kuziva kuti ndiwe ani. Haugone kuzvicherechedza iwe pachako. Unogona kufamba-famba, kudya nezvose, asi, iwe, zvakadaro haugone kuzvicherechedza iwe pachako. Une fundo yako yedzidzo, unogona... dzidzo imwe chete yawaiva nayo, asi hauzive kwayakabva, hauzive kuti ndiwe ani, uri wekupi. Ndicho chadzimira, ndizvo zvatinoudzwa.

⁴² Tinobatanidzwa nemhuri dzedu, muhupenyu huno hwevanhu, newanano. Uye nemadzimai edu, atinoroora, uye mhuri yedu inocherechedzwa nekubatana kwewanano yedu—yedu—yedu. Uye zvakare, kungofunga, ko kana chinhu ichi chinotyisa chikaitika kwauri uye usingazokwanise kurangarira wawakaroora, kuti mudzimai wako ndiani, vana vako ndevapi, kuti ndiani baba namai vako, kuti ndiani muvakidzani wako? Chingava chinhu cha—chakashata kwazvo.

⁴³ Zvino tinocherechedzwa, zvakare, tinogona kuzvicherechedza pachedu murudzi rwevanhu, nekuva nenjere

uye—uye nekuva takasiyana nemhuka. Mhuka haigone kufunga, inongorarama neruzha. Haina munhu wemukati. Uye, asi, isu tiri mhuka. Chinotiita kuti tisiyane... Tiri mhuka inobereka nekuyamwisa, asi chii... Mhuka iyoyo imhuka ine ropa rinodziya, uye isu tine hunhu hwemhuka. Asi chinotiita kuti tive vakasiyana, tinocherechedza nekuva nemunhu wemukati, hana inotiuudza chakanaka nechakaipa.

⁴⁴ Zvino pane pamwe pekuti, kana wabatwa nechadzimira ichi, unogona kuita saNebhukadhinezari, ndizvo, akazvisimudzira imwe nguva, uye Mwari vakamuita kuti afunge kuti aive mhuka. Zvino akagara kunze murenje uye—uye akadya huswa senzombe. Uye—uye bvudzi rake—rake rikakura richidzika nemuviri wake, seminhenga yechapungu, uye akava nemoyo wemhuka maari. Maona? Chaiva chadzimira, nekuti akanga akanganwa kuti akanga ari mambo. Ainge akanganwa kuti aiva munhu. Zvino akafunga kuti aive mhuka, saka akaita semhuka, nekuti ainge akanganwa kuti akanga ari munhu.

⁴⁵ Zviri nyore kwazvo, nhasi. Uye tinokanganwa, dzimwe nguva, zviri Chechi yeChikristu. Tinoita senyika. Zvinoratidza kuti tine chadzimira chepamweya, nokuda kwekuti hauite seMukristu. Unozvibata senyika. Unogamuchira moyo wenyika, uye unokonzera izvi.

⁴⁶ Pano ti—tinoona kuti Israeri yakanga yabengenuka, yabengenutswa kunyika, ndokuwira mumatakanana aya. Zvino muporofita uyu akatumwa kuzovabuditsa kubva mazviri, kana aikwanisa, uye nekuvaudza. Mwari, nenyasha dzaVo, vakasarudza Israeri kubva pane dzimwe mhuri dzose dziri panyika. Nyasha dzakanga dzaita izvozvo. Vakanga vavapa nyika dzakanakisisa dzacho. Vakavapa dzimba dzavasina kana kumbovaka. Mwari vakaita izvozvo, vakavasarudza. Vakavapa mapurazi avasina kumbotenga. Va—Vakavapa, Vakavapa zvekudya zvavasina kumbodyara. Vakavapa matsime avasina kumbochera. Vakavapa kukunda kwavasina ivo kumbokunda. Vakavapa nyasha dzavasina kumbokodzera. Mwari vakazviita nenyasha dzaVo kuvanhu ava, Israeri, vasanangurwa vaVo, vadikanwi vaVo.

⁴⁷ Uye Vakati, muBhaibheri, “Vakamuwana ari mumunda, sekasikana kadiki kagere muropa rako, uye Vakamugeza nekumuchenesa, uye ndizvo zvaVakaita. Asi mushure mekunge Mwari vamuratidza tsitsi dzese idzi, zvino akapfuma,” akabatwa nechadzimira, chadzimira, “uye akakanganwa kuti zvinhu zvese izvi zvakabva kupi.”

⁴⁸ Ndinofunga kuti ndiwo mufananidzo weU.S.A., 1964. Iri kutambudzika nechirwere chimwe chetecho. Tiri machechi makuru ane simba. Tiri vanhu vakuru, vane simba. Tiri mamiriyoni muhuwandu, asi takanganwa kuti zvinhu izvi zvakabva kupi.

⁴⁹ Vaiva muchinhano chacho chakaipa kwazvo. Mushure mekunge Mwari vanga vakavanakira, uye vakavaunza kubva kunyika dzose dzevahedheni, ndokuvaita vanhu vakatsaurwa, vakatsaurirwa kwavari iVo. Vakati, "Vakatora muzambiringa kubva kune imwe nyika ndokuudyara uko kune imwe nyika, uye kuti Vakanyatsougadzirisa kwazvo kuuita kuti uve nemuchero uye ugobereka, asi muzambiringa uyu wakakanganwa kwakabva maropafadzo awo."

⁵⁰ Ndizvo zvakaitawo vanhu vaMwari, mumazuva ano ekupedzisira, vakakanganwa zvinorehwa nehuchapupu hwekuva Mukristu. Zvakare, chadzimira ichi chave pavanhu. Havagone kuzvicherechedza pachavo.

⁵¹ Ivo, vakakanganwa zvose pamusoro paZvo. Vakanga vakanganwa hutsvene hwaVo. Vakanga vakanganwa murawo waVo. Vakadzi vairarama sevamwewo vakadzi vese.

⁵² Chechi yaMwari nevanhu vaVo vagara vari, "Vanhu vakapatsanurwa, vanhu va—vakadanirwa kunze, vanhu vane musiyanao, rudzi rutsvene, uprisita wehumambo; vachipirisa zvipiriso zvemweya kuna Mwari, zvibereko zvemiromo yavo, vachipa rumbidzo kuZita raVo." Mwari vakadana Chechi yaVo ndokuIpatsanura kubva kunyika, nekuda kwechinangwa ichocho chaicho. Uye Vakaipa murawo, uye iVo, iYo, inofanira kunge iri itsvene. Vakati, "Ndiri mutsvene, uye munofanira kuva vatsvene, zvino pasina hutsvene hapana munhu achaona Ishe." Mwari vakataura kudaro, pachaVo.

⁵³ Zvino Vakanga vadana vanhu ava kuti vave mhando iyi yevanhу, asi vakanga vakanganwa nezvazvo. Vakanga vakanganwa mirawo yaVo, uye vakanga vakanganwa hunhu hwavo. Madzimai kunze mumugwagwa, madzimai echIIsraeri kunze uko, mumwe nemumwe achitarisira ku—kubata pamuviri peMweya Mutsvene, kuti aunze Mesiya, uye vobva vazvibata saizvozvo. Hunhu hwavo hwaityisa.

⁵⁴ Ndinoda kumira pano kwechinguvana, kuti nditi ndizvo zvimwe chete pavanhu vedu, nhasi, vanozvidaidza kuti Makristu. Hunhu hwavo, dai maingocherechedza chete!

⁵⁵ Imwe nguva, kuMaodzanyemba. Ndakaverenga imwe nyaya kubva zasi kuno, kwavaisimbova nenhapwa. Vaitora vanhu ivavo vovatengesa pamusika, sezvaungaita motokari yakamboshandiswa. Uye ipapo paiva nemutengi, aizonotengesawo, aiuya otora nhapwa idzi onodzitengesa, zvino sezvaungaita motokari kana chimwe chinhу.

⁵⁶ Zvino nhapwa idzodzo dzainge dziri kure nenyika yekumusha kwavo. Vaibva kuAfrica. MaBhunu akavatapa, ndokuvanza kuno kuzvitsuwa, ndokuzovapinza zvisiri pamutemo muUnited States vakavatengesa kuti vave nhapwa, vachibva kunze kuJamaica nekwakapoteredza.

⁵⁷ Zvino tinoona kuti vanhu ivavo vaise vakasuruvara. Vakanga vatapwa kubva kumusha kwavo. Vakanga vabuditswa kunze nemuvengi, uye vaise vakasuruvara. Vakanga vasiri kuzoona murume wavo zvakare, kana mudzimai wavo zvakare, baba naamai vavo, vana vavo. Vaiva chaizvo... Vaitofanirwa kuvarova, nezviwepu, kuvaita kuti vashande, nekuti vaiva vanhu vakasuruvara.

⁵⁸ Zvino rimwe zuva, anotenga nekuzotengesa uya akauya pane mumwe munda, akaona boka renhapwa kunze ikoko dzichishanda. Zvino iye—iye akapinda ndokubunza muridzi, akati, “Mune nhapwa ngani?”

Akati, “Dzinenge 100.”

Akati, “Mungava nedzamungada kuchinjanisa kana kutengesa here?”

Akati, “Hongu.”

Akati, “Regai ndinyatsodzitarisa.”

⁵⁹ Zvino akaenda kunze kumunda ndokunodzitarisa, uye akavaona vachitoita zvekudzirova. Zvino mushure mechinguva, akaona rimwe jaya ravaisatomborova. Rakanga rakasimudza chipfuva charo nechirebvu charo mudenga; vaisatombomurova. Saka mutengi iyeye akati, “Ndinoda kutenga nhapwa iyo.”

Zvino iye akati, “Asi haisi kutengeswa.”

⁶⁰ Akati, “Saka, musiyano wenhapwa iyoyo ndewei?” Akati, “Asi nhapwa iyi ndiye mukuru wedzimwe dzose here?”

Akati, “Kwete, anongovawo nhapwa.”

Akati, “Saka, pamwe munomupa chikafu chakasiyana.”

Akati, “Kwete, anodyira kumabhodho nedzimwe nhapwa dzose.”

⁶¹ Akati, “Saka, chii chinomuita kuti ave akasiyana zvikuru nedzimwe nhapwa dzose?”

⁶² Akati, “Zvinoka, izvozvi zvaimbondinetsawo, zvakare, kwenguva refu. Asi rimwe zuva ndakaziva, kuti, mhiri uko kumusha kwake kwaakabva, baba vake ndivo mambo werudzi rwose. Zvino kunyange ari mutorwa hake, uye ari kure nekumusha, zvisinei anoziva kuti mwanakomana wamambo, uye iye—iye anozvibata semwanakomana wamambo.”

⁶³ Ndakafunga, “Asi, kuti izvo, kana munhu weChitema anobva kuAfrica, uye aiziva kuti baba vake vaive munhu werudzi rweko pamwe namambo werudzi, chii chazvinofanira kuita kuMukristu akazvarwa patsva, murume kana mudzimai, kuti Baba vedu ndiMambo weKudenga muKubwinya!” Tinofanira kuzvibata sevarume nevakadzi veChikristu. Tinofanira kuita saizvozvo, kupfeka saizvozvo, kutaura saizvozvo, kurarama saizvozvo. Kunyange tiri vatorwa, zvakadaro tiri vana vaMambo. Ameni.

⁶⁴ Hunhu hwedu, kuodzwa moyo kwedu mumazuva atiri kurarama zvino! Israeri yakanga yawira mutsika imwe chete iyoyo uye yakanga yaitawo hunzenza. Vakanga vakanganwa mirawo yaMwari, “Usaita hupombwe, uye usachiva mudzimai wemuvakidzani wako,” nezvimirwe zvakadaro. Vakanga vakanganwa mirawo iyoyo. Ivo—ivo—ivo vakanga vasingachaide zvachose. Uye ivo—ivo vaida ku—kufanana nedzimwe nyika dzose, sezvakangoita chechi nhasi.

⁶⁵ Imwe nguva, Israeri, payakatanga, yaida kuva namambo pamusoro payo. Samueri akavaudza, muporofita akanga akatumwa kwavari, akati, “Zvino pane zvandakambokuduudzai here muZita raShe kunze kwezvakaitika?”

Vakati, “Kwete, hauna.”

⁶⁶ “Ndakambopemha kwamuri kuti ndiwane chikafu nemari, mari yenyuwo here, zvakare, yekuti ndirarame nayo?”

⁶⁷ “Kwete, hauna kumbodaro. Hauna kumbotiudza chinhu, Samueri, kunze kwezvakaitika. Uye hauna kumbotikumbira mari yedu, kuti urarame. Asi, zvakadaro, tiri kuda mambo iyeye, zvakadaro.”

⁶⁸ Mwari vakati kuna Samueri, “Vasiye vave naye. Havana kuramba iwe; varamba iNi.”

⁶⁹ Israeri yakanga yapinda muchimiro chimwe chetecho zvino. Vakanga vasingachade zvachose vaporofita vaMwari. Vaisavada. Uye kana mumwe akauya, uye ovaunzira Shoko, oedza kuvaldzosa kuShoko, vaiRiramba. Vanogara vachizviita, nenzira iyoyo yehuori.

⁷⁰ Kana nyika nechechi zvazvibatanidza pamwe chete, zvadaro havana chavanoda chemweya. Havadi ZVANZI NAJEHOVHA. Vanoda zvavanoda ivo. Vanoda nyika, uye nekutura kuti ivo Mukristu; zvino vogara munyika, uye vogara nenyika, uye vorarama senyika, uye zvakadaro voramba vaine huchapupu hwavo hwekuva Mukristu. Munoziva, nyaya yacho ndeyekuti, ichadzimira chepamweya. Ndizvo chaizvo zvazviri. Havazive kuti ivo ndivanaani. Vakanganwa izvo zvavanofanirwa kuita.

⁷¹ Kana mumwe akauya nhasi, saizvozvo, aizorambe zvimirwe chetezvo. Vaiva nechinhano chakaipa chachio, uye ndizvo zvavari nhasi uno. Havana kukwanisa kuzvibatanidza nezvinhu zvemweya, zvachose, nekuti vakanga vasingazvide. Shoko, Vhangeri, vakanga vasingaRide. Hurwere hwechivi hwakanga hwavabata, uye vahuda.

⁷² Chivi chinonakidza kune moyo usina kutendeuka. Chinotaridzika zvakanaka kune pfungwa dzisina kutendeuka, asi inzira yerufu. Hapana chasara kunze kwerufu. “Mibairo yechivi rufu,” uye munofanira kukohwa mubairo iwoyo. Makadyara kumhepo, uye zvino mochikohwa chamupupuri.

⁷³ Zviratidzo zvepamweya nekuparidza kwemutumwa akagadzwa akabva kuna Mwari, zvakange zvingachambovadenha zvakare. Vakadzi vaigona kuseka kumeso kwavo chaiko, uye voti, "Handisungirwe kuti ndiende kunonzwa zvinhu zvakadaro." Kana zvisina kudzokorora zvakare! Chii ichocco? Chadzimira chepamweya, chaizvo zvachiri. Vakanganwa kuti Mwari neShoko raVo vamwe chete, uye haVakanise kuRishandura.

⁷⁴ Kana muporofita akasimuka panzvimbos mumazuva iwayo uye opa chiratidzo chemweya, inzwi repamweya, uye opa inzwi raMwari seri kwazvo, vanongoRiseka nekuita dambe naRo.

⁷⁵ Munoziva chirevo chekare, "Mapenzi achafamba neshangu dzine zvipikiri panotyiwa kutsika neNgirozi." Ndizvo zvinoita chadzimira chepamweya ichi. Chinoita kuti vanhu vasvike panzvimbos yekuti havana manzwiro mukati mavo. Havadi chinhu chiri chemweya.

⁷⁶ Tora musangano chaiwo wepamweya, apo Mweya Mutsvene uri kupodza vanorwara uye uchinzvera mifungo iri mumoyo, nekuzviisa pakati pemachechi ose, ungori musangano mukuru kunze kuno munhandare ino, zvino tarisa zvinoozitika. Mumaminitsi mashoma, munhu wese anenge ave kusimuka achibuda. Havanei nechekuita nazvo. Havadi kuwana chekuita nazvo. Vanoteerera kumwe kutaura kwenjere.

⁷⁷ Asi kana zvasvika paSimba raJesu Kristu, nerumuko rwaKe, neMweya Mutsvene, havadi kuwana chekuita naZvo, nekuti zvinovapomera. Zvinovatungidza moto nechinhu chavanofanira kuziva. Hapana kurangwa, honguka, kunonakidza mumwaka wacho. Asi, izvo, kana iwe ukazvipira kwakuri, ku-kunounza zvibereko zvekutendeuka. Saka tinoona kuti, kana chadzimira chepamweya ichi chabata vanhu, ipapo vanobva vava—vava muchinhano chakaipa. Zvino tinowana zvimwe chete zvino. Zvino ndinoda ku...

⁷⁸ Unofanira kucherechedzwa. Pane imwe nzvimbo, unofanira kuratidza. Hupenu hwako hunoratidza, manheru ano, kwawakabatanidzwa. Unobatanidzwa muna Kristu kana kunze kwaKristu. Iwe hausi pakati nepakati. Hakuna chinhu chakadaro chinonzi munhu akadhakwa uye ari asina kudhakwa. Hakuna shiri nhema chena. Wakaponeswa kana kuti hauna kuponeswa. Uri mutsvene kana kuti mutadzi, chimwe chezviri izvozvo, uye maonero ako emweya kuShoko raMwari anokuzivisa chaipo pawakamira. Ndizvozvo!

⁷⁹ Shoko raMwari, rakasimbisa, rakaratidza kuti rubhabhatidzo rweMweya Mutsvene ndirwo rwunongova rwumwe chete serwarwakambova paZuva rePentekosti kana chero nguva ipi zvayo. Uye Jesu Kristu ndiye mumwe chete zuro, nhasi, nokusingaperi. Zvino maonero ako kune Izvozvo zvinoratidza kuti une chadzimira chepamweya here, kana kuti

kwete. Ndizvozvo. Hazvina mhosva kuti uri mudhikoni, kana kunyangwe uri muparidzi, hazviiti...Hongu, vanochiwanawo, zvakare. Saka tinoona kuti, zvinotapuriranwa uye zvobata chinhu chose. Zvino tinocherechedza.

⁸⁰ Zvino, kuva wemuAmerica. Kuti ndive wemuAmerica, ndinofanira kubatanidzwa nenyika yangu. Zvino nyatsoteererai. Kuva wemuAmerica, kana ndakazvarirwa muno munyika ino, ndinova mugari, uye ndinobatanidzwa nenyika ino. Zvose zvairi, ndiri. Zvose zvayakambove, ndiri. Nokuti ndinocherechedzwa semunhu wemuAmerica, zvino ndinofanira kutora kunyadziswa kwayo kwose, kubwinya kwayo kwose. Chero zvairi, ndiri, nokuti ndinobatanidzwa nayo. Ameni. Ndinoda kuti muzvibate. Ndinocherechedzwa semugari wemuAmerica, zvino zvese zvayaive, ndiri. Zvose zvairi, ndiri. Ndinofanira kuva chikamu chayo. Ndine...kana ndiri mugari wemuAmerica, ndiri chikamu cheAmerica. Uye zvose zvairi, ndiri.

⁸¹ Handimbofaniri kumbokanganwa izvi. Kana ndichida kuramba ndiri mugari wechokwadi wemuAmerica, ndinofanira kurangarira kuti ndiri zviri nyika yangu, nokuti ndinobatanidzwa nenyika yangu. Kuianganwa, kana—kana...Kuirwira, kana kuifira, kana kumira nezvose zvainomiririra, ndinofanira kuzvimiririra. Zviri nyika yangu, ndiri. Zvainomiririra, ndinozvimiririra. Kuti ndive wemuAmerica akatendeka, ndichagadzirira kuifira, kuirwira, kuimiririra, kuita chero chinhu chiripo. Ndiri chikamu chayo. Haugone kuidenza usina kundidenha. Kana ukataura chimwe chinhu chinopesana nayo, unochitaura uchipesana nenii, nokuti ndiri wemuAmerica. Kuzvitaura zvchipesana newe, sewemuAmerica, uye nezvavanotaura vachipesana nenyika ino, vanotaura vachipesana newe, nokuti uri chikamu chayo. Usambofa wakazvikanganwa; kana ukadaro, zvino unenge uine chadzimira, chokwadi chaizvo.

⁸² Uye, rangarirai, hausisiri mugari wemuAmerica kana usingakwanise kuva chikamu chayo. Unofanira kuva, zviri America, unofanira kuwavo zvakare. Ndinofanira kuva mugoverani wayo. Ino inyika yangu, ndinofanira kuva mugoverani wayo. Zvairi, ndiri. Munoonaa, zvayaive, ndiri. Hazvinei kuti yaivei, ndichiri zvayaive.

⁸³ Kuti ndive wemuAmerica, ndakasvikira paPlymouth Rock, pamwe nayo, nemadzitateguru. Ndakatodaro; ndiri chikamu chayo. Ndakatasva pamwe naPaul Revere, kuti ndiiyambire nezvenjodzi dzayo. Kana ndiri mugari wemuAmerica chaiye, ndakasvikira paPlymouth Rock. Ndakatasva naPaul Revere, kuti ndiiyambire nezvenjodzi yayo. Munoziva here zvandiri kureva zvino?

⁸⁴ Ndakayambuka Delaware yaiva nechando, pamwe naGeorge Washington, nemauto ake akange asina shangu. Ndakanga

ndiripo, nokuti ndinobatanidzwa nenyika ino. Zvaakaita kareko chaive chikamu changu, zvandinoita zvino chikamu chake. Ndakabatanidzwa naWashington, kuDelaware.

⁸⁵ Ndakamira naStonewall Jackson, apo zvaipesana naye zvaive zvichinyanya kwazvo kumupikisa, uye vakabvunza, “Ungamira sei somudhuri wematombo, izvo zvinopesana newe zvakakura?” Muchinda mudiki ane maziso ebhuruu nechiso chinonyara akakava guruva iri nenjombo dzake, akati, “Handimbonwi mvura kusvikira ndatenda Mwari Samasimba nokuda kwayo.” Ndinofanira kumira naye somudhuri wematombo. Ndakamira ipapo naStonewall Jackson. Kuva wemuAmerica, ndinobatanidzwa naye uye nekumira kwake. Achiyambuka Delaware’s! Achirwa hondo!

⁸⁶ Ndakasimudza mureza. Ndaive navo pavakasimudza mureza paGuam. Mushure mekunge zviuru zvemauto eAmerica vapira hupenyu hwavo, uye boka diki riya parakamhanyirako ndokusimudza mureza mudenga, ndakabatanidzwa pakusimudzwa kwemureza iwoyo; mumwe nomumwe wedu aive ari. Vagari vese vemuAmerica vakabatanidzwa nemureza iwoyo waive wakarembera pamusoro peGuam. Pandakanzwu kuti vakanga vaisa mureza iwoyo ipapo, misodzi yakayerera ichidzika nepamatama angu. Aive ini. Aive iwe. Zvaireva isu tose, patainge takabatanidzwa ipapo nazvo.

⁸⁷ Zvose zvairi, ndiri. Kubwinya kwayo kwose kubwinya kwangu. Kunyadzisa kwayo kwese kunyadzisa kwangu. Kana yakaita zvinhu zvinonyadzisa, zvino ndinofanira kuitarisa... ndomira pakunyadzisa kwayo. Kana ikagamuchira kubwinya, ndinogamuchira kubwinya nayo, nokuti ndinobatanidzwa nayo. Zvino, kuve wakabatanidzwa, wemuAmerica anofanira kumira pakunyadzisa kwese kweAmerica, kubwinya kwese kweAmerica, zvose zvayakambove. Zvose zvairi, kana zvaichange iri, unobatanidzwa nazvo.

⁸⁸ Zvino, kuti uve Mukristu wechokwadi, unofanira kuva zvimwe chetezvo. Hatidi kukanganwa izvozvo. Zvose zvaAiva, ndinobatanidzwa naYe. Ndinobatanidzwa naYe.

⁸⁹ Cherechedzai, uye Iye ari mandiri, uye ini ndiri maAri. Cherechedzai, zvino, Mukristu wese ari Mukristu—Mukristu chaiye wechokwadi, aiva naYe, “Apo nyamatsatsi dzamangwanani dzaiimba pamwe chete uye vanakomana vaMwari vaidanidzira nomufaro, nyika isati yavambwa.” Taive takabatanidzwa munzvimbos dzevasingafi pamwe naMwari, makore mamiriyoni 10 nyika isati yambovambwa. Ndaive kumashure ikoko naVo. Kana ndine Hupenyu Husingaperi, ndaivako naVo. Ndaive ndakabatanidzwa naVo, “Nyamatsatsi dzamangwanani padzaiimba pamwe chete uye vanakomana vaMwari vakadanidzira nomufaro.”

⁹⁰ Ndakanga ndinaVo paVakadana Abrahama pazera re—remakore 75 ekuberekwa, nemudzimai wake aine 65, ndokumuudza kuti vaizova nemwana. Ndakanga ndinaye paakamira pana ZVANZI NAJEHOVHA, “Ndichava nemwana.” Ndakamira naye. Mukristu mumwe nemumwe wese akamira naye. Ndaive naye pakauya miyedzo yake. Ndakanga ndinaye paakakwira pamusoro pegomo, kundopirisa Isaka. Ndakanga ndiinaye pakaonekwa gondohwe.

⁹¹ Ndakanga ndina Josefa paakarambwa nevakoma vake, nokuti akanga ari wemweya uye vamwe vose vaiva munyama. Ndakanga ndinaye paakaziva kuzvidzwa kwaafanira kutarisana nako kubva kuvakoma vake chaivo. Zvaaviva, ndiri. Zvandiri, aiva. “Nokuti tose tiri vamwe muna Kristu Jesu.” Ndakanga ndina Josefa mubako rake, guva. Ndaive naye paakaenda kuruoko rwerudyi rwaFarao. Waitofanira kubatanidzwa naye.

⁹² Ndakanga ndina Jakobho husiku huya paakaita mutsimba neMutumwa husiku hwose. Ndakaita mutsimba, pachangu. Ndinoziva zvaakasangana nazvo. Saka ndakaita mutsimba pamwe naJakobho panguva imwe chete yaakarwa, nokuti ndiri hama yake.

⁹³ Ndakanga ndina Mosesi paakadzika kuEgipita. Ndakanga ndina Mosesi pagwenzi raipfuta. Kana uri Mukristu, unobatanidzwa nevanhu ivavo vemBuBhaibheri. Usazvikanganwa! Ndakanga ndina Mosesi apo vanhu vose vakamumukira. Ndaive naMosesi paakayambuka Gungwa Dzvuku. Paakasimudza ruoko rwake ndokufambira mberi, uye Gungwa Dzvuku rikazaruka, ndakabatanidzwa muna Kristu ipapo, uye ndakanga ndina Mosesi panguva iyoyo.

⁹⁴ Chero zvainge zviri Makristu, chero zvainge zviri vatendi, mutendi wose zvino anobatanidzwa nemunhu mumwe chete iyeye. Chero zvazvingava, unofanira kubatanidzwa. Usakanganwa izvozvo. Kana ukadaro, une chadzimira chepamweya; wakanganwa kuti ndiwe ani.

⁹⁵ Zvino kubatanidzwa naye, naMosesi, paakayambuka gungwa.

⁹⁶ Ndaive naEria mumazuva aAhabhu, pavakatozoita sarudzo yekuti vochishumira ani, Mwari kana Bharami. Takanga tinaye paGomo reKarimeri, paakanga achifanira kuita sarudzo iyi, nokuti tinobatanidzwa muMutumbi waMwari mumwe chete waakabatanidzwa mauri. Saka kana tichibatanidzwa muMutumbi iwoyo, saka tinofanira kurangarira kuti takanga tiripo pamwe naye. Ndizvozvo.

⁹⁷ Zvino, ndakanga ndina Dhavhidha, paakarambwa nehamma dzake pachake. Ndakanga ndina Dhavhidha; newewo, zvakare, kana uri Mukristu. Unofanira kubatanidzwa mukurambwa kwake.

⁹⁸ Ndakanga ndine vana vechiHebheru, muvira remoto, apo mo—moto usina kugona kuvalisa nekuda kweHuvepo hweMurume wechina.

⁹⁹ Ndakanga ndina Dhanieri, mugomba reshumba. Ndaive ndakabatanidzwa imomo, apo Mutumwa waShe akamucherechedza imomo.

¹⁰⁰ Zvirokwazvo ndakanga ndinaYe paKarivhari. Ndinofanira kubatanidzwa naYe paKarivhari. Ndinofanira kunge ndiripo panzvimbio, yokuti, handina bedzi kubatanidzwa pamwe naYe paKarivhari, ndakafa pamwe naYe paKarivhari. Mukristu wese anofanira kufa naYe paKarivhari. Kana ukasafa naYe paKarivhari, haukwanise kuva mumwe wevaKe. Ndaivepo paAkafa. Ndakafa naYe. Uyezve ndaiva naYe paAkamuka kubva kuvakafa. Ndakanya mangwanani eEsta naYe, murumuko. Chero zvaAkaita, ndakanga ndinaYe ipapo; mutendi wose akanga ari zvime chete.

¹⁰¹ Uye zvino ndigere naYe munzvimbio dzoKumatenga muna Kristu Jesu, nemasimba ose egehena akakundwa, kubudikidza naYe. Mutendi wese weChikristu aive akagara nenzira imwe cheteyo, nekuti unofanira kucherechedzwa.

¹⁰² Zvino ndinozviona, mumazuva ano aya okupedzisira, nevazhinji veMakristu anotenda, takabatanidzwa mushumiro yaKe. “Ndiye mumwe chete zuro, nhasi, nokusingaperi.” Ndinozviona, muzuva rino, ndakabatanidzwa mushumiro yaKe. Unozviwana nenzira iyoyo, uchizvitenda, uchifamba nazvo here? Cherechedzai, mabasa aAkaita, iYe akati mutendi aizoita zvime chetezvo. “Mabasa aNdinoita muchaaitawo zvakare.” Zvino unogona kubatanidzwa pamwe naYe here? Zvino kana kuzvidzwa kwauya paShoko, unogona here kumira pakuzvidzwa sezvaAkaita, unoona, wakabatanidzwa naYe? Ndakabatanidzwa naYe.

¹⁰³ Ndaiva naYe paZuva rePentekosti. Ndaiva nevadzidzi kumusoro ikoko, ndakabatanidzwa navo murubhabhatidzo rweMweya Mutsvene.

¹⁰⁴ Hameno kana chechi isina kubatwa nechadzimira chakanyanya zvino zvekuti havadaro, vamwe vavo, havatombotenda kuti kune chinhu chakadaro seMweya Mutsvene. Muri kuona here kwasvikwa nechechi? Danho rakashata kwazvo rechadzimira! Munona, vakanganwa kuti aive Jesu Kristu kumashure uko. Vakanganwa zvaive zviri Jesu Kristu. Vakanganwa. Vaifunga kuti Aingova zvake mu—muiti wemurairo, kana muporofita, kana mu—murume akanaka. Vakanganwa kuti aive Mwari. Vakanganwa kuti ndiYe mumwe chete zuro, nhasi, nokusingaperi. Uye chechi yave padanho rakashata rechadzimira chepamweya. Vakanganwa zvinhu zvose izvi. HavachaZvinzwisisa zvachose.

¹⁰⁵ Tinofanira kuva pamwe nevadzidzi paPentekosti, tichibatanidza navo. Ndakabatanidza nemharidzo yaPetro paZuva rePentekosti, muna Mabasa chitsauko 2. Ndakanza zvaakataura. Ndinotenda zvaakataura. Ndakateerera zvaakataura. Zvino ndinobatanidza muchinhu chimwe chete.

¹⁰⁶ Usabatwe nechadzimira chepamweya. Nokuti, unozo, unozvibatanidza nechimwe chinhu. Gara chaizvo neShoko iroro!

¹⁰⁷ Takanga tiine Chechi payakatumwa naJesu Kristu, muna Mabasa, chitsauko 16. “Endai munyika yose, uye muparidze Vhangeri kune zvisikwa zvose.” Ndinoda kucherechedza ipapo, “Nyika yese, kuzvisikwa zvese.” “Zviratidzo izvi zvichatevera avo vanotenda,” ndinogona kucherechedza mune izvozvo.

¹⁰⁸ Zvakanaka, zvino, unobatanidza nazvo here, kana kuti une chadzimira chepamweya, zvekuti unoona kuti hautende zviratidzo izvozvo zvinotevera vatendi? Unoona, kana usingazvitendi, zvino une chadzimira chepamweya, unoona, wakanganwa kuti Mwari vakazvivimbisa izvozvo. Vakati, “Zviratidzo izvi zvichatevera avo vanotenda.” Usazvikanganwe. Haugone kuzvikanganwa zvino wova Mukristu. Unofanirwa kucherechedza nazvo.

¹⁰⁹ Unofanira kubatanidza naMutsvene Johane chitsauko 14, ndima 12. “Uyo anotenda pamwe neNi, mabasa aNdinoita naiye achaaitawo zvakare.” Usazvikanganwe. Kana ukadaro, saka une chadzimira chepamweya. Wakanganwa kuti ndiwe ani. Wakanganwa kuti chapupu chako chinorevei.

¹¹⁰ Ko pokuti, Akati, “Kana mukagara maNdiri, uye Shoko raNgu riri mamuri, munogona kukumbira zvamunoda uye muchazviitirwa”? Unobatanidza here ipapo, kutenda kuti ichi iChokwadi? Marko 11, apo paAkati, “Iwe ukati kugomo iri, ‘bviswapo,’ uye worega kupokana mumoyo mako, asi uchitenda kuti zvawataura zvichaitika, unogona kuva nezvawataura.” Ungabatanidza here ipapo, kutenda kuti ichocco iChokwadi? Kana zvisina kudaro, saka uri kubatwa nechadzimira chepamweya.

¹¹¹ Uye—uye wakanganwa, unorasikirwa nekugadzikana kwako muChikristu. Haugone kuziva kwaunobva. Unoti, “Ndiri muMethodisti. Ndiri muBaptisti. Ndizvo zvandinoziva nezvavzvo. Ndiri muPentekosti. Ndiri *ichi, icho*, kana *chimwewo*.” Chenjera! Zvinogona kureva kuti chiratidzo chehurwere chiri kuoneka pauri, kuti une chadzimira chepamweya.

¹¹² Unoti, “Zvino, Hama Branham, ndi—ndinotenda *izvi*, uye ini—ini handitombo...” Zvino chimbomira zvishoma. Kana Mwari vakavimbisa kuita zvinhu *izvi*, uye vakati zvichava mumazuva okupedzisira, uye chitendwa chako chokudzivisa

kwazviri, ichocho chiratidzo chakanaka chokuti ndinogona kuona chiratidzo chehurwere pauri. Chadzimira chepamweya. Wakanganwa kuzvicherechedza iwe neShoko.

¹¹³ Unoti, “Handitende kuti varwere vanopodzwa.” Une chadzimira chepamweya.

¹¹⁴ Unoti, “Handitende murubhabhatidzo rweMweya Mutsvene.” Chadzimira chepamweya!

¹¹⁵ Unoti, “Ini—ini handitende kuti Mwari vakavimbisa kuita zvinhu izvi mumazuva ekupedzisira.” Zvino wakateerera kune chitendwa, kana imwe dzidziso yechechhi, panzvimbo yeBhaibheri. Une chadzimira chepamweya. Hauzive kuti uri wekupi zvino. Uri kupupura kuti uri, “Mukristu,” uye uchiramba Shoko racho. Zvinokudzosera chaiko kuchadzimira chepamweya zvakare, unoona, hauzive paumire. Une chadzimira chepamweya. Haugone kuzvibatanidza pachako neMagwaro.

¹¹⁶ Unofanirwa kunge uri pamwe nevadzidzi. Unofanirwa kuva neMagwaro ose, neChechi painotumwa. Asi, zvino, Chechi payakatumwa, “Endai munyika yose zvino muparidze Evhangeri; zviratidzo izvi zvichatevera avo vanotenda,” ndiko kwaiva kutumwa kwayo. Zvino vane... Ndiko kwaiva kutumwa kwacho.

¹¹⁷ Asi ivo vakabatwa nechinhano chakaipa chechadzimira chepamweya ichi, sezvakangoita Evha pa...paari, achitenderera mubindu, rimwe zuva. Zvino aita seIsraeri, iri kutambura nehurwere humwe chete uhwu, humwe hurwere hunobva muchikafu cheseminari chinokupa chadzimira chepamweya. Idya chikafu chekuseminari, zvino unobva wabatwa nehurwere, uye zvakare, chinhu chekutanga unoziva, unobatwa nechadzimira zvakanyanya. Hautende chero chii zvacho chinotaurwa neBhaibheri.

¹¹⁸ Ndiro dambudzikoko nechechi nhasi uno. Ndiro dambudzikoko tisingakwanise kuva nerumutsiriro nhasi. Ndiro dambudzikoko nevanhu nhasi. Vakangonyatsozuvuzvurudzwa napamusoro pemazimbe ezvinhu zvese, nechitevedzwa chese chinongonyuka, kusvikira havachazive kuti ndechipi chakanaka nechakaipa. Chaizvoizvo. Haicharangarire Tenzi wayo. Haicharangarire Shoko raKe. Haicharangarire vimbiso yacho.

¹¹⁹ Ndiro raitongova dambudzikoko neIsraeri, pakauya Jesu panzvimbo. Vakatadza kurangarira, kuti, “Mhandara ichabata mimba.” Vakatadza kurangarira kuti Mosesi akati, “Jehovha Mwari wenyu achamutsa Muporofita akafanana neNi.” Vaiva nechadzimira chepamweya.

¹²⁰ Ndizvo chaizvo izvo chechi inazvo nhasi. Akati, “Zvichaitika kuti mumazuva ekupedzisira,” kuti zvinhu izvi zvaizotika, zvatinoona zvichiitika, uye chechi igere hayo yakangonyatsofa chaizvo. Chii ichocho? Chadzimira chepamweya. Isu tinozvidana kuti Pentekosti, uye hatigone kucherechedza, uye hatigone

kuzvicherechedza muShoko kana Richiparidzwa musimba rekumuka kwaKristu; naiYe ari pano pakati pedu, achizviita, uye achiita chaizvo zvaAkataura kuti Raizoita. Zvino, chenjerai, hurongwa hwedu hwemasangano hwatipinza muchadzimira chepamweya. Tiri kutambudzika. Hativive kuti kwedu ndekupi. Mumwe anotora mapepa ake kubva muchechi *iyi* kuenda kune *imwe* chechi, nechechi *iyi*, nechitevedzwa *ichi* nechitevedzwa *icho*. Maona?

¹²¹ Chatinoda, zvakare, ndemumwe Amosi anouya panzvimbo, neZVANZI NAJEHOVHA. Taizomugamuchira here? Zvakangoda kuita sezvavakaita. Havana kumbomugamuchira. Havambomugamuchira nhasi. Haana kukwanisa kupinda mune nzvimbo, chero, yekuti aparidze. Zvino, ndizvozvo chaizvo, nokuti chechi ine dambudziko rechadzimira chepamweya.

¹²² Zvino, sei? Mwari vakavimbisa mumazuva ano ekupedzisira, “Apo Mwanakomana wemunhu paaizoratidzwa,” maringe naRuka, chitsauko 17, “pane chiratidzo chaitika kuSodhoma, chaizoitika zvakare.” Uye vanhu vanozviona chichiitwa, uye vamwe vavo havatombochitenda. Vanofunga kuti kushandisa pfungwa. Vanofunga kuti mwuya wadhiyabhore. Chii ichocco? Vane dambudziko rechadzimira chepamweya. Ndizvozvo chaizvo. Havagoni kunzwisia Ishe. “Jesu Kristu mumwe chete zuro, nhasi, nokusingaperi.” ZvaAiva kareko, ndizvo zvaAri zvino.

¹²³ Asi, zvakaitika ndezvekuti, hatichatongokwanisi kuzvibatanidza neShoko zvachose. Sei? Iyo, haichaziva kuti iyo ikirabhu here kana kuti ichechi. Haidi kunzi kirabhu, asizve haikwanise kunzi ichechi; nokuti, kuti inzi iyo ichechi, zvinoita kuti ibatanidzwe pamwe naKristu. Izvozvo zvinoipa chadzimira chepamweya. Uye iyo haidi kunzi ikirabhu. Saka haisi chechi yePentekosti, chechi yeMethodisti, chechi yeBaptist; ikirabhu yePentekosti, kirabhu yeMethodisti, nekirabhu yeBaptist, nokuti haikwanisi kucherechedzwa neShoko. Uye kana Shoko rikaratidzwa, zvakangodaro havaRitende. Chirwere, chadzimira chepamweya. Havagoni kuziva zavar; havazivi kwavanobva. Ndizvozvo chaizvo.

¹²⁴ Zvakangofanana nekuita masanganiswa echimwe chinhu. Sezvandakagara ndichitaura, “Ndaigara ndichifunga kuti chimwe chezvinhu zvakapusa kwazvo chandati ndakamboona inyurusi.” Munoona, masanganiswa. Munoona, amai varo vaiva bhiza, baba varo vaiva dhongi, zvino haritomboziva kwarinobva. Uye chinhu chekutanga unoziva, iwe—iwe—iwe—iwe unogona kurisanganisa wowana dhongi, uyezve...kana kuwana nyurusi, asi nyurusi harikwanise kuzvibereka kuve zvezpamavambo zvakare. Munoona, haridaro. Haugone kuridzidzisa chinhu. Rine musoro wakaomarara. Haumbofe wakataura chero chinhu...Unogona kumisa nzeve huru refu idzodzo. Zvino rinomirira kusvika zuva rakarebesa rehupenyu hwaro, risati

rafa, kuti ringokukava. Ndizvo zvoga. Rinogara rakamirira chimwe chinhu chekuti rikurove nacho, kana richigona.

¹²⁵ Uye zvinondifungisa nezvevazhinji vanongodaidzwawo kuti Makristu emasanganiswa. Vakaita chechi masanganiswa kusvika vabatwa nechirwere chechadzimira chepamweya. Havagone kubereka chinhu zvakare.

¹²⁶ Vanotaura nezvechibage chemasanganiswa. Chibage chemasanganiswa hachisi chinhu. Ndicho chinhu chakaipisissa chaungamboisa mumuromo mako, chero chii zvacho chemasanganiswa. Ndicho chikonzero uchifanira kuti utore zvirimwa zvinokudzwa munodziya, nezvinhu zvemasanganiswa, wozvipfapfaidza uye wozvinatsurudza uye wozvibata sezai. Sei? Nekuti hazvigone kudzivisa zvimbuya kubva pazviri.

¹²⁷ Asi chaicho, chechokwadi, hausungirwe kunge uchiisa mushonga unodzivirira pachiri. Chine Simba mukati macho, rinobvisa tumbuyu pachiri. Ndizvo zvazvinotora kudzivisa tumbuyu twekusatenda kubva pamunhu ane Mweya wechokwadi chaiwo.

¹²⁸ Tora nyurusu rakare, ugotaura naro, woti, “Nhaiwe, chikomana, ndinoda kuti uite *ichi, icho*.”

¹²⁹ Rinoramba riri ipapo roti, “Ho! Ho! Ho!” Nzeve huru idzodzo dzichikwira nekudzika. Ndakaona Makristu ma-mazhinji akada kudaro, anongonziwo kudaro.

¹³⁰ Unoti, “Jesu Kristu mumwe chete zuro, nokusingaperi. Zviratidzo izvi zvichatevera avo vanotenda.”

¹³¹ “Ho? Ndinotenda kuti mazuva ezbishamiso akapfuura. Ho? Ho? Ho?” Munoona, harizive zvarinotenda. Hapana charinoziva. Harizive kwarinobva; harizive kwaririri kuenda. Rine chadzimira chebhiza. Harizive kwarakabva, uye harikwanise kupfuirira mberi.

¹³² Asi ndinofarira rudzi rwechokwadi rwepamavambo. Oo, rine hunyoro. Unogona kutaura naro. Rinoziva kuti baba varo ndiani, amai varo ndiani, kuti asekuru naambuya varo ndiani. Rine magwaro erudzi anoratidza kwarakabva.

¹³³ Uye ndinofarira Mukristu chaiye-chaiye, anogona kudzokera nzira yose kuShoko raMwari, kuZuva rePentekosti, vozvibatanidza ipapo nevatsvene, apo Simba reMweya Mutsvene rakauya pavari. Ndiye Mukristu chaiye-chaiye. Anoziva kwaakabva. Haabatanidzwe neMethodisti, Baptisti, kana chimwewo chinhu. Anocherechedza muShoko raMwari. Anonyatsoziva chaipo paamire. Ropa rehumambo raBaba vake rinoyerera nemaari; Ropa raJesu Kristu. Anoziva zvaRinoita! Anotenda Shoko rose. Mwari vanoshanda kuburikidza naye uye vanozvisimbisa nezviratidzo zvaVakavimbisa kuzotevera. Haana chadzimira chepamweya. Iye ndewe chokwadi chaiye-chaiye. Ndinozvida izvozvo.

¹³⁴ Asi chechi nhasi ine hurwere hwakaipa hwechadzimira chepamweya. Haizive kwainobva. Yakanganwa zvose pamusoro paŽvo, yakanganwa zvinhu zvose izvi zvinoiita kuti ive Chechi.

¹³⁵ Chii chakatipfumisa kwazvo sezvatiri? Zvasvika panzvimbo yeRaodhikia zvakare, kudzokera munzvimbio iya yakapfuma sezvaiva Israeri. Payakanga iri murombo uye ichitovimba naMwari pane zvose zvayaigona kuita, zvose zvayakawana, yakavimba naMwari; zvino Mwari vakanga vainayo, uye yaiva yemweya, uye ichifambira mberi. Asi payakapfuma, hezvinoi zvakaitika: maguta avo avakwa, madzimai avo ndokurasa hunhu, varume vavo vakazvibvumira, vaparidzi vavo vakarerutsa, uye vakaramba vaporofita. Zvino ndiyo mhando yechinhano chavakapinda machiri. Chii chakazvikonzera, kwaiva kukanganwa kwakabva maropafadzo iwayo.

¹³⁶ Zvino imi maMethodisti, nemi maBaptisti, nemi Presbyteriani! Imi maMethodisti munogona kurangarira John Wesley. Imi maBaptisti! Zvino John Smith akachema pamusoro penyaya dzevanhu kusvikira mudzimai wake aitozomutungamirira kutafura, maziso ake akanga akavhara nokuzvimbba, kubva pakuchema nekunyengetera husiku hwese. Chii chiri kunetsa?

¹³⁷ John Wesley akataura kuti chimwe chezvinhu zvikuru... Ndinotenda kuti aive mumwe wemadzibaba ekutanga eMethodisti akati, "Kunyadzisa kwevanasikana vechechi yeMethodist, vakanga votanga kuita zvemunyika, vakanga vachipfeka marin'i pamunwe wavo." Anozoti kudii zvino, vakapfeka zvikabudura?

¹³⁸ Chii chakaitika? Chadzimira chepamweya. Chaizvo zvazviri, makanganwa kwamakabva. Mune zvinhu zvese izvi nekuda kwekupa kwaMwari, runako rwakazviita kwamuri.

¹³⁹ Munofunga kuti ichi chinhu chinoshamisa here? Ndiwo chaiwo Mweya waJesu Kristu, chiporofita. Muna Zvakazarurwa, chitsauko 3, yakati iyo, "Nekuti iwe unoti, 'Ndakapfuma, handina chandinoshaya,' uye usingazivi kuti uri murombo, bofu, unonzwisa urombo, wakasuwa, wakashama, uye hauzvivize" Munoona, hauzvivize! Chii ichocco? Chadzimira chepamweya. Havazvivize.

¹⁴⁰ Machechi ane ma—mari zvino. Hakuna chechi, zvachose, iri munyika, yesangano, asi kuti ine mamiriyoni nemamiriyoni emadhora. Vachivaka zvivakwa nezvinhu zvemamiriyoni nemamiriyoni emadhora, apa vachiparidza kuti Kuuya kwaShe kwave pedyo. "'Ndakapfuma,' uye ndokuti, 'handina chandinoshaiwa.'" Vaparidzi vakadzidza zvikurusa vavati vambova navo, vanoziva dzidzo yebhaibheri yakawandisa kupfuura yavakamboziva. Uye vane zvivakwa zvikurusa, nzvimbio dzakanakisia dzakasarudzwa muguta. Vane mukana kune chero zvacho chavanoda kuita. Uyezve vakaitei?

Vakabatwa nechadzimira chepamweya ndokukanganwa kuti vaive Mwari vakavaitira izvozvo, sezvakangoita Israeri.

¹⁴¹ Zvino Bhaibheri rakaporofita, Jesu Kristu akatuma mutumwa waKe kuna Johane ndokuti, zera rino rekereke yekupedzisira richava nechadzimira chepamweya ichi. Vagine “vachinzwisa urombo,” rangarirai. Vanofunga kuti vakuru. Vanofunga kuti vane chimwe chinhu. Asi Akati “vakasuwa, vanonzwisa urombo, varombo, mapofu, havana kusimira, uye havazvivize.” Uye hapana nzira yekuvaudza nayo.

¹⁴² Zvino, toti mumwewo murume akange ari kunze uko munzira, achinyadzisa, kana mukadzi, asina kusimira, ari mumugwagwa, ari bofu, chingave chimiro chinonzwisa urombo kuva muchimiro ichocco. Asi zvino kana vaive nepfungwa dzavo dzakakwana, vachiziva kuti vaiva ani, kuti vaiva munhu anorarama, uye vachifanirwa kupfeka mbaty; zvino, unoenda kunze ikoko; ivo—ivo vanhu vanorarama, vanofanira kucherechedza pamwe nerudzi rwevanhu; uye vari kunze uko, “vachinzwisa urombo, vakasuwa, uye vari mapofu, uye vakashama.” Zvino iwe woenda kwaari, uchiti, “Hama, makashama.”

¹⁴³ “Zvino, panoka! Ndini Chiremba *Nhingi-nhingii!* Iwe ziva zvako chete. Ndinokuudza, ini ndiri weKwakati-kwakati! Iwe hazvinei newe, iwe muumburuki mutsvene, kuti undiudze chinhu!” [Chibenga chisina chinhu patepi—Mupepeti]

¹⁴⁴ Vaudze kuti, “Zvakaipa kuti munhu aite izvi, uye kuti vanhu vaite zvinhu zvavari kuita.”

¹⁴⁵ Zvino vanokuzivisa kuti muparidzi wavo ane mafungiro akatambanuka. Maona? Chii ichocco? Ndezvekuti, vakanganwa mirairo yaIshe Jesu. Zvino regai Auye pasi oita zviratidzo nezvishamiso zvaAkati Aizoita, havadi kuzvitenda. Ichadzimira chepamweya. Munoonaa, vakanganwa! Uye vakashama, uye havazvivize, havazvicherechedzi.

¹⁴⁶ Vanofunga, “Nekuda kwekuti ndiri wechechi, ndizvo zvega zvine basa.” Oo, hama, hazvina zvazvinoreva kuna Mwari sezvakangofanana nekunge uri muMason kana chimwewo chinhu, imwewo kirabhu zvayo. Kuva wechechi, hazvina zvazvinoreva kuna Mwari.

¹⁴⁷ Munofanira kuva vanakomana nevanasikana vaMwari. Unofanira kuberekwa naMwari, uye Mwari iShoko. Ndikava chikamu chababa vangu, ndinobva ndava zvese zviri baba vangu. Kana wava chikamu chaMwari, unova Mwari, zvizere. Shoko raVo rose, unoRitenda rose.

Chadzimira chepamweya!

¹⁴⁸ Ko kana wanga usingazine kuti zita rako raive riri zvariri? Uye kana uri, uchizobva kumhuri yakanaka, zvinova zvandinovimba kuti wakaita, kana uchibva kumhuri yakanaka

yevanhu, zvino ko toti wakanganwa zita remhuri, uye wobuda kunze kuno, worarama zvinonyadzisa? Vanoti, “Zita rako harisi Jones here,” kana chero zvaringave. “Manje, handizivi kuti ndaive ani.” Maona? Zvakanaka, munoona, chinhu chakaipa chekuva uri, chinhhanho chakaipa chekupinda machiri.

¹⁴⁹ Zvino, ndipo chaipo pasvikwa nechechi. Inofanirwa kunge iri humiririri hwaJesu Kristu. Asi yakazvikanganwa izvozvo, nekuti yakanga, yakapfekedzerwa mairi, zvitendwa nemasangano, zvavakagamuchira izvozvo panzvimbio yeShoko. “Uye havana kusimira, mapofu, vakasuwa, uye havazvizive,” uye hapana nzira yekuvaudza nayo.

¹⁵⁰ Ndinogona kusazova muBirmingham zvakare, asi ino ndiyo nguva imwe yavachazozvinzwa. Maona? Maona? Ndizvozvo. Ndiri kungo... Handina mumwe mungava wandinawo kunze kwekudyara Mbeu. Mwari vanoItungamirira pavhu paInofanira kuenda.

¹⁵¹ Vakanganwa, hongu, vakanganwa Shoko revimbiso. Vakanganwa. Israeri yakanga iri mudambudziko rakadaro pakauya Jesu. Yainge yakanganwa. Vakatarisa, oo, vakati vaitenda kuti kuchauya Mesiya. Asi Mesiya paakauya ndokuZvizivisa neShoko, vaiva netsika dzakawandisa kusvika vaita kuti Shoko raMwari rishaiwe maturo.

¹⁵² Zvino Jesu akavimbisa, nguva yekupedzisira isati yasvika, “Sezvazvaiva muSodhoma, ndizvo zvazvichava.” Uye zvinozocherechedzwa, uye vanhu vacho ndevetsika chaizvo kusvikira pakuita kuti vimbiso yaMwari ishaye maturo, netsika yavo. Chadzimira chepamweya! Chadzimira chepamweya ndizvo chaizvo zvazviri. Munoona, vakanganwa zvinhu izvi.

¹⁵³ “Oo, ndiri weiyi. Nda—ndakaita *ichi*. Ndakatamba muMweya. Ndakaita *ichi*.” Manjeka, ini zvangu, ini zvangu, izvozvo hazvinei nechekuita nazvo, kana zvachose.

¹⁵⁴ Ungagova Mukristu sei uye woramba Shoko? Haugone kudaro. Mwari ndivo Shoko. Kana Shoko riri mauri, iwe neShoko muri mumwe. Zvose zviri Shoko, ndizvo zvauri. Ameni. Kana ndiri kurarama muchizvarwa chino, izvo zvakavimbiswa nechikamu chino cheShoko kuchizvarwa chino, ndinofanira kuva izvozvo. Kana ndichizova Mukristu, ndinofanira kuzvibatanidza nezvose zvinoparidzwa nezvinomiririrwa neBhaibheri.

¹⁵⁵ Hareruya! Uchandidaidza kuti muumburuki mutsvene, zvisinei, uye ndiri kunzwa manyukunyuku ekunamata chaiwo iko zvino. Hongu, changamire.

¹⁵⁶ Ndinofanira kubatanidzwa nezvose zvinotaurwa neBhaibheri. Uye Rinozvitura, uye, kana ndisina kumbobatwa nechadzimira chepamweya *ichi* chemazuva ano, ndichave uye ndinogona kucherechedzwa pamwe naRo. Kana ndikaRiramba, ipapo ndine chadzimira chepamweya; pane zvakaitika,

ndakagamuchira chitendwa kana dzidziso yesangano, kana imwewo chechi kana boka revanhu. "Handikwanise kuzviita," apo Shoko richiuya uye rozvizivisa pachaRo.

¹⁵⁷ Ndosaka Jesu asina kucherechedzwa. "Oo," vanoti, "zvino, murume uyu mutsvene, uye muprisita wedu mutsvene, mutsvene wedu *chakati*."

¹⁵⁸ Zvino Jesu akati, "Muri vababa venyu, dhiyabhore, uye mabasa ake muchaaita."

¹⁵⁹ Waiziva here kuti Kaini akapirisa chibayiro chakanakawo, zvakare? Akanga akaperera, akavaka artari, akapfugama ndokunamata, uye akapirisa chipiriso, uye akanyengetera kuna Mwari. Zvino kana, Mwari, zviri izvo zvoga zvinodiwa naMwari, kuti uve nhengo yechechi uye wova neartari, nekubvisa chegumi chako nekuenda kuchechi, nekurarama hupenyu hwakanaka; kana zviri zvoga zvaVanoda, Vakanga vasina nduramo kupa Kaini mhosva, nokuti akaita zvimwe chetezvo. Hongu, changamire. Ndizvo chaizvo.

¹⁶⁰ Asi *chitendero* chinoreva kuti "chifukidzo," uye haungafukidzwi nemabasa ako akanaka. Pane chinhu chimwe chete chinogamuchirwa naMwari, zvino iRopa raJesu Kristu. Ndicho chifukidzo choga. Kunze kwaiRoro, kana ukati, "Chengeta chitendwa," chadzimira chepamweya! Ndizvo zvakaitika.

¹⁶¹ Zvino cherechedzai, vakanganwa Shoko ravo. Vakanganwa Bhaibheri. Vakanganwa vimbiso yacho. Vari kuedza kurarama muchadzera chezvakanga zviri Methodisti, zvakanga zviri Baptisti, zvakanga zviri mumwewo munhu. Heino vimbiso yezuva ranhasi, uye Mwari vachiItaura kubudikidza neShoko raVo, uye vachisimbisa zvakare nekuratidza kuti ndiYo, uye zvakadaro havaItendi. Chadzimira chepamweya! Ndizvozvo chaizvo. Chaivo, vasingazivi chaivo, zvamazvirokwazvo havaItende zvachose.

¹⁶² Mumwe musoja wechiFrench. Ndakaudzwa kamwe kanyaya kadiki; tisati tavhara. Handina kuziva kuti nguva yapera kudaro, uye ndine mapeji angangoita 10 emanotsi pano asara; tichaatora imwe nguva. Cherechedzai, musoja wechiFrench. Vakatora boka remasoja kubva kumauto, zvino vakange vaine chadzimira ichi. Chinobva mukuvhundutswa, uri muhondo. Zvino vaive nechirongwa, uye va—vakadana ndokuita kuti vanhu vaive nevadikanwa vavo vaishaika vauye voona kana vaigona kucherechedza vakomana ava. Pachisina tariro kwavari, zvichida 1 kana 2, kubva pavari, vakazvibata. Zvino vakabva vatora vamwe vose, vaizonovaisa muchipatara chinochengeterwa mapenzi, kwavaizofanira kugara hupenyu hwavo hwese.

¹⁶³ Vaikwira chikomo, chitima chichifamba; zvino vakamira pane chimwe chiteshi, kuita kuti vakomana vabude

vachitwasanudza makumbo avo. Zvino varindi vakabuda ndokuenda pachikomo, kuti vavatarire, nokuti nechadzimira, chaizvoka, va—vaitofanira kuvatarira.

¹⁶⁴ Saka vakaona mumwe mukomana wechidiki ipapo, akabuda ndokutanga kutarisa kwese-kwese patangi remvura, akatarisa-tarisa pamusoro pechikomo. Akapukuta kumeso kwake, ndokuongorora. Zvino akatarisa zvakare, ndokuona tangi riya remvura. Akatarisa-tarisa pachiteshi, ndokutanga kufamba. Pane kuti muchengeti amumise, akamutevera.

¹⁶⁵ Akakwira pamusoro pechikomo, akadzika nekamwe kanzira kadiki, akatsaukira kurudyi ndokukwidza nechimwezve chikomo chidiki, ndokusvika pane kamwe kamba kadiki kemapuranga. Akatarisa. Kubva pavheranda pakabuda, imwe harawa yakabata tsvimbo muruoko rwayo, yakauya kunze ndokumumbundira. Ndokuti, "Mwanakomana wangu, ndaiziva kuti uchadzoka. Vakandiudza kuti wakafa, asi ndaiziva kuti uchadzoka." Zvino mukomana uyu akabengenuka. Chadzimira chake chikamusiya. Aive okwanisa kucherechedza kuti aiva ani. Akaziva kuti ava ndivo baba vase.

¹⁶⁶ Oo, musoja weMuchinjikwa, akange avhundutswa nekudzidziswa kwakawanda zvikuru, kuvhundutswa kuzhinji kwazvo kwesangano nezvitendwa, nezvinhu zvemunyika, wadii wangoburuka kwemaminetsi mashoma wotanga kutarisa-tarisa muBhaibheri? Unogona kudzengerera, uye ugozviona uchiziviswa muno muShoko, semutendi, rimwe ramazuva ano. Unogona kunge usingaMuzive. Unogona kubengenuka, sezvakaita mwanakomana muparadzi, uye wozviwana pachako. Unogona kuwana mucherechedzo wako muMashoko aMwari.

¹⁶⁷ Mumwe munhu akati, rimwe zuva, kasiri kare, akati, "Asi, Hama Branham, tarisai kватiri isu vanhu vePentekosti, kuti tine machechi akanaka zvakadii. Handiti, isu, tine vashumiri vakadzidziswa."

¹⁶⁸ Chinzwaka, kana murume akaroora mudzimai, haavimbe nerunako rwake. Kwete. Anovimba nekutendeka kwake pamhiko yake, shoko rake. Haavimbe nerunako rwake. Anovimba nekutendeka kwake.

¹⁶⁹ Uye ndizvo zvazviri paunoroorwa naMwari, hauvimbe neimwe chechi huru yakanaka yaunogona kuvaka, asi muvimbiso yakaitswa naJesu Kristu, kuti, "Ndiri mumwe chete zuro, nhasi, nokusingaperi." Munozvitenda here?

Ngatikotamisei misoro wedu kwechinguvana.

¹⁷⁰ Handizive, manheru ano, muchivakwa chino umo mugere vanhu, umo mune varume nemadzimai vemuna Ziyendanakuenda, vanhu vakananga kuna Ziyendanakuenda, uye uchiziva kuti rimwe zuva kana rimwewo unofanira kusangana naMwari. Zvino handizive kana wanga uine kakuvepo kadiki kechadzimira ichocho, uye waizo...Wanga

uchibatanidzwa mune chinhu chakaipa, uye uchi—uchida kumboita sekufamba-famba uchitenderera hako, manheru ano, ugoona kana usingakwanise kucherechedzwa muna Kristu Jesu? Ungasimudza here ruoko rwako, woti, “Ndinamatireiwo, Hama Branham, ndi—ndinoda kucherechedzwa seMukristu chaiye, mutendi chaiye.” Mwari vakuropafadzei. Mwari vakuropafadzei. Ropafadzwai! Oo, hongu, kwese-kwese. Ishe Mwari vakuropafadzei.

¹⁷¹ Mumwe munhu ari kumusoro mubharukoni, unoti, “Hama, ndinotenda chaizvo kuti iChokwadi. Ndinotenda, seMakristu, hatisi Makristu sezvavaisimbova makore akapfuura.”

¹⁷² Ko imi vanhu vePentekosti, apo vanaamai navanababa venyu vaisimira pamugwagwa kunze uko, vachiridza tamborini yekare. Uye amai venyu, kuti vaitozo... vaisvika pakurukutika, nekutambudzika nemi vana vadiki. Dzimwe nguva maitofamba musina hembe, nezvime zvese, asi baba naamai vainge vakatendeka kuChinangwa, kusimudzira Kristu.

¹⁷³ Tarisai zvamakaita imi vanhu vePentekosti. Makore 50 akapfuura, makabuda mumasangan. Ndizvo zvinoita kuti muve Pentekosti, makazvipatsanura kubva kune asingatendi. “Uye sehochi kumatope ayo, nembwu kumarutsi ayo,” makadzokera chaiko ndokunoita zvime chetezvo, mukaita mhando imwe chete yehuyanga hwamakabuda kubuda mahuri. Dambudziko nderei? Chadzimira chepamweya chakapararira pakati pevanhu. Mava nezvitendwa zvenyu nemagwaro enyu emasangan zvino, uye mangova ikoko pamwe nevamwe vose, munoda kuva nevamwe vose ava. Makabvumira madzimai enyu kugera bvudzi ravo, nekuzvipenda. Imi, muri kuwabvumira kuita zvinhu zvose izvi, kubvumira zvinhu zvese izvi mu—mumachechi. Chii ichocco? Chadzimira chepamweya.

¹⁷⁴ Zvino, chinhu chekutanga munoziva, kana Mwari vatanga kushanya pakati pevanhu, zvino chii chinoitika? Hamugone kuzvigamuchira. Munona, manga muchirwara zvikuru nechadzimira ichocco, munoona, chinhu choga chamati makambonzwa. Hamufunge here kuti munofanira kuburuka kubva pachitendwa ichocco kwemaminitsi mashoma motora henuy Bhaibheri, uye moona kuti Mukristu anofanira kucherechedzwa sei? “Zviratidzo izvi zvichatevera avo vanotenda!”

¹⁷⁵ Mabasa, Petro akati, “Tendeukai, mumwe nemumwe wenyu, uye mubhabhatidzwe muZita raJesu Kristu kuti mukanganwirwe zvivi, uye muchagamuchira chipo cheMweya Mutsvene; nekuti vimbiso ndeyenyu, nevana venyu, nevose vari kure, kunyangwe neavo vose vachazodanwa naIshe Mwari vedu.” Kana vakakuudzai kuti Izvozvo handizvo, manjeka mufundisi wenyu akabatwa zvakaipa nechadzimira chepamweya. Haagone

kuzviona achibatanidzwa neChechi iyoyo; kwete sangano; Chechi, Mutumbi waKristu wakavanzika.

¹⁷⁶ Zvino Mweya Mutsvene uri pano. Ari pano kuzoita chaizvo izvo zvaAkavimbisa kuita. Zvino muchiri pano nemisoro yenu yakakotamiswa, ingorambai muchinamata. Regai Mweya Mutsvene utaure, pachaWo. Uye muone kana izvi... Chero ani zvake anozviziva, vimbiso, zvairi yezuva ranhasi. Zvino imi mune chishuwo, manheru ano, imi, vazhinji venyu masimudza maoko enyu. Musati madaro...

¹⁷⁷ Handizive, tichiri pano uye tonyatsonamatira vanorwara, handizive kuti mungakwanise here kubva pakusatenda ikoko, sangano iroro, chitendwa ichocco chinokuudza kuti zvinhu izvi handizvo, icho chacho chinokuudza kuti ndeZvadhiyabhare. Pavanoita izvozvo, "Havambofa vakaregererwa, munyika ino kana munyika iri kuuya." Ko kana Ichi chiru icho Chokwadi? Chimbofungai, ko kana Chiri icho, saka uri papi? Munona, hazvitorere kuti uzvitaure; ingozvitenda mumoyo mako. Zvino pane vanhu pano vanozvitenda. Ndagara pano, kwehusiku huviri hwapfuura, ndichishingaira pasi pechimwe chinhlu, ndichingo, ini zvangu, kuzvibata nekuruma rurimi rwango, kuti ndisazvitura chaizvo.

¹⁷⁸ Uye rangerira, shamwari, zviri pakati pako naMwari. Ko kana zvisiri izvo, zvino iwe uchifunga kudaro? Unoziva zvinoitika, haufe wakaregererwa nekuda kwazvo. Chadzimira chepamweya, unotopinda chaimo murufu rwako rweKusingaperi, kusatenda. "Uyo asingatendi akatotongwa nechekare!"

¹⁷⁹ Zvino namatira hurwere hwako, uti, "Ishe Jesu, Makavimbisa. Ini..."

Panogona kunge paine vatorwa pano, vanga vasati vambouya pano.

¹⁸⁰ Jesu akavimbisa, "Sezvazvaive," ndichatora Gwaro 1, "mumazuva aRoti," Mwari pavakaratidzwa mumutumbi wenyama; uye vanhu, Abrahama, boka rakasanangurwa, boka rakadanwa. Zvino zita raAbrama rakashandurwa kuva Abrahama, ipapo akabva aona Shoko rakaitwa nyama, uye Rikanzvera mifungo yakanga iri mumoyo maSara.

¹⁸¹ Zvino iyo Mbeu yeHumambo yaAbrahama payakazouya, ndizvo zvaAkaita, zvino vakaMudaidza kuti "dhimoni."

¹⁸² Akati, "Zvino kana Mweya Mutsvene wauya, uchaita zvimwe chetezvo." Ndokuti, "Zvino pane ruregerero pamunoNdidaidza kudaro, asi, kana mukataura muchipesana neMweya Mutsvene, hapana kuregererwa."

¹⁸³ Zvino dai iYe, muSimba raKe, auya nemuungano ino yevanhу, chero papi pauri, uye nekunzvera kwaKe kwepamweya achiratidza kuti iYe iShoko. Kuitira kuti kana paine chero ani

zvake pano ari kutambudzika nechadzimira, kuti havazo... vachange vasina pembedzo, pasati padanirwa vanhu kuartari.

¹⁸⁴ Ishe Mwari ngavabatsire. Zvino nemisoro yenu yakakotamiswa, muchinamata mukuremekedza.

¹⁸⁵ Munoona, pane mudzimai agere pano pamberi pangu. Vakaisa maoko avo kumeso. Vari kutambudzwa nechimiro chemuzongoza. Uye zvakare vane kuhuta-huta. Vane dambudzikzo remudumbu. Uye vagere pano pamberi pangu zvino. Uye vangangoziva, havasi vemunyika ino. Vanobva muguta rintonzi Macon. Hongu. Munotenda here kuti Mwari vanogona kundiudza kuti ndimi ani? Ndimi Muzvare Ayers. Kana zviri izvo, simudzai ruoko rwenyu. Ndiri mutorwa kwamuri. Ichokwadi, handizvo here? Zvino dambudzikzo renyu rapera. Jesu Kristu; mabata nguwo yaKe. Akupodzai. Zvino chingozvitendai.

¹⁸⁶ Pane murume akagara kumashure kwechivakwa. Ari kutsvaga rubhabhatidzo rweMweya Mutsvene. Anoda kubhabhatidzwa neMweya. Akamira pano pamberi pangu. Haasi wekuno, zvakare. Anobva kuCarolina, Charlotte. Lepoe ndiro zita rake. Tendai nemoyo wenyu wese, uye Mwari vachakuzadzai neMweya Mutsvene, hama yangu—yangu, kana mukazvitenda.

¹⁸⁷ Kuno, necheckurudyi rwangu, pano pane mu—murume nemudzimai wake vakagara pamberi pangu chaipo apa. Vakweguru vaviri, vari kurudyi rwangu. Mudzimai ari kutambudzika nechinhano cheura. Murume wacho ane dambudzikzo remoyo. Havasi vekuno. Vanobva kuTennessee. Baba naMai Thomas, kana mukatenda nemoyo wenyu wose, simudzai maoko enyu uye munogona kugamuchira kupodzwa kwenyu. Jesu Kristu anokupodzai. Ndizvo chaizvo zvaAkavimbisa kuzviita. Asi handisati ndamboona vanhu ava muhupenyu hwangu.

Chadzimira chepamweya!

¹⁸⁸ Jesu akati, “Mabasa aNdinoita muchaaitawo zvakare. Kwechinguvana, zvino nyika haizoNdionazve; asi imi muchaNdiona, nokuti iNi,” chisazitasingwi, “ndichava nemi, kunyangé mamuri, kusvika kumagumo enyika.” “Jesu Kristu mumwe chete zuro, nhasi, nekusingaperi.”

¹⁸⁹ Zvino, kuvarume nemadzimai vari muno, mune chimwe chinhu chisina kumira zvakanaka pamuri, chekuti hautongogone kuona kuti sei...Iwe, unoda kutenda, asi hautongokwanise kupinda makuri, uye unoda kuti unamatirwe, unoda kuMugamuchira uchiri muHupo hwaKe, ungauyawo here womira pano chaipo pedyo nen, ndikunamatire nekuturika maoko pamusoro pako. Kana mukauya kumusoro kuno chaiko zvino, imi muri kutambudzika saizvozvo, nechadzimira chepamweya, uye muchida kunamatirwa, kuti

musunungurwe kubva kwachiri. Kana usiri—usiri mutendi, asi uchida kunamatirwa, huya kumusoro kuno umire. Mwari vakuropafadze, mujaya. Mumwezve munhu huya? Mwari vakuropafadze, mudzimai. Huyai. Mwari vakuropafadze, mudzimai wechidiki. Mumwe munhu huya? Huya, umire kumusoro kuno chaiko, iko zvino.

¹⁹⁰ Chadzimira chepamweya, handidi kurohwa nedenda racho. Mwari vasatendera. Regai ndi—regai ndife rufu rwe—rwechero chinhu, asi musambondirega ndichifa rufu irworwo rweasingatendi.

¹⁹¹ Huya, uMugamuchire zvino. Haungazviite here? Huyai muchibva, uye burukai kubva mubharukoni, shamwari. Dzingori nhanho shoma kuuya zasi kuno, uye zvinogona kureva mutsauko pakati perufu neHupenyu, kwauri.

¹⁹² Tarisai, handigone kuita kuti Kristu aite chinhu. Kristu haasungirwe kuita chero chinhu kunze kwechinhu chimwe chete: Anofanira kuchengeta Shoko raKe. Anofanira kuzviita kuitira kuti ave Kristu, ave Mwari. Anofanira kuchengeta Shoko raKe.

¹⁹³ Zvino rangerirai, kana usina chokwadi nechiitiko chako, wadii wauya zasi zvino. Kana uchingove wesangano, kana uri muzukuru wePentekosti, Mwari havana kana vazukuru. Vane vanakomana nevanasikana, asi havana vazukurukomana ne -sikana. Maona? Mwari havana izvozvo. Vanongova nevanakomana nevanasikana, uye uchiziva kuti hausi.

¹⁹⁴ Pamwe wakataura nendimi, unogona kunge wakatamba, ungangodaro wakaita zvese *izvi*. Izvozvo zvakanaka. Handina chandinopesana nazvo. Asi zvakadaro kana uchine chadzimira chepamweya ichocho, huya zasi, uuye pano umire pano. Ngatinamatei nezvazvo. Unoti kudii? Nhengo yeChechi, ungo—ungori nhengowo zvayo yechechi, wadii wauya pano uye ngatizvibvisei izvozvi?

¹⁹⁵ Handidi kubva muBirmingham muno, uye ndichiziva kuti rimwe zuva, Kutongwa pakunouya, uye ndichafanira zvino kumira pamberi pako...Rangerira, ndichasangana newe zvakare. Kana ndikasambosangana newe pano pane izvi, kana kuti ndichasangana newe paKutongwa uye ndinofanira kupindurira pane zvandataura manheru ano.

¹⁹⁶ Zvino teerera. Tendeukai, shamwari! Tendeukai, budai mazviri. Ibvai ipapo. Huyai kuno zvino.

¹⁹⁷ Zvinofanira kuita kuti mudzimai wose ane vhudzi rakagerwa munyika ino, kana panzvimbino ino, auye kumusoro kuno zvino. Ndizvozvo chaizvo. Ndizvo, kuti hauna nyasha dzakakwana dzekunyatsotaura kuti, “Ndi—ndi—ndi—ndinoda, ndinoda kurega bvudzi rangu richikura, Hama Branham.” Zvinofanira...“Ndine...Zvino, handina nyasha dzekuzviita.”

Handiti, unoti, “Zvine here chimwe chinhu chokuita nezvazvo?”

¹⁹⁸ Pano kasiri kare, mumwe mushumiri mukuru chaiye akauya kwandiri, akati, “Ndinoda kuturika maoko pamusoro penyu, Hama Branham.” Ndokuti, “Munhu wose anokutorai semuporofita.”

Ndikati, “Handina kumboti ndiri muporofita.”

¹⁹⁹ Akati, “Asi vanhu vanokuonai saizvozvo. Munogara muchipopota madzimai iwayo, nezvekupfeka zvikabudura,” uye—uye, oo, murume wechiPentekosti. Uye akati, “Pamusoro pekupfeka zvikabudura, nekugera vhudzi ravo, nezvime.” Akati, “Harisi basa renyu.”

Ndikati, “Saka ibasa raani?”

²⁰⁰ Iye ndokuti, “Vanhу ivavo, madii kudzidzisa madzimai iwayo kuti vanova sei, vaine zvipo zvikuru zvemweya, uye nokubatsira vanhu, pane kuedza ku...” Akati, “Vanokuremekedzai. Zvamunovaudza, vanokutendai.” Akati, “Madii mavaudza mawaniro ezvipo zvikuru nekubatsira vanhu, pane kugara muchingovapomera?”

²⁰¹ Ndakati, “Ndingavadzidzise sei algebra ivo vasiri kutombodzidza maABC avo?” Maona? Maona?

²⁰² Unofanirwa kutanga uchibva pasi, tendeuka kana kuti unoparara! Zvino unogona kuita zvaungada iwe, kutendeuka kana kuperara! Jesu Kristu akanyatsoZvizivisa pano, husiku humwe nehumwe. Uye uno ndihwo husiku hwatakanga tichipa kune zveruponeso urwu. Dzingori nhanho shoma kuuya kumusoro kuno, uye ndine nguva yakawanda yekumirira.

²⁰³ Rangarirai, Birmingham, ropa renyu harichisiri pandiri. Handina mhosva. Uye kana uine Mweya Mutsvene zvamazvirokzwazvo, une mukana wekuuya zvino. Uye kana uri kutambudzika neimwe mhando yezvemachechi yakakukonzera kuti uve nechadzimira chepamweya, haungauye here? Jesu ndiyе mushonga wacho. Haungauye here?

²⁰⁴ Zvino vamwe vanhu vabva kubharikoni. Ndanga ndakamirira kuona kwavanga vari, kuti vari kubuda panze here kana kuuya kuartari. Ava zasi kuno, vauya pano. Ndizvozvo. Imi muri pano, huyai mumire paartari, muti, “Ndasiyana nazvo izvi.” Hongu, vanga vachidzika, madzimai 2. Zvakanaka.

²⁰⁵ Huyai kuno zvino. Dzingori nhanho shoma chete kubva ipapo. Uye nhanho idzodzo dzinogona kureva musiyano wacho.

²⁰⁶ Zvino, tarisai, ndinoda kukubvunzai chimwe chinhu. Ko kana Akaya manheru ano? “Oo,” woti, “Haasi kuuya.” Handizive kuti Ari kuuya here kana kuti kwete. Ichi ndicho chiratidzo chekupedzisira. Rangarirai, ZVANZI NAJEHOVHA! Makambondinzwa ndichitaura kudaro kunze kwekunge chiri chokwadi? Muri kuona chiratidzo chenyu chekupedzisira.

Zviri muMagwaro. Waona chiratidzo chako chekupedzisira, Pentekosti. Musavhiringika zvino nezvaAkavimbisa Israeri mushure meKubvtuwa; hamusi imi. Nguva yenu inenge yatopfuura, ipapo. Maona? Rino ndiro zuva rako. Chino ndicho chiratidzo chako. Ino ndiyo nguva yako. UsaIramba. Usazviita. Zviri nani uuye. Munonditenda here kuti ndiri muranda waMwari? Rangarirai.

²⁰⁷ Birmingham, handisati ndambosangana nevanhu vakanaka zviri nani. Muri vanhu vakanakisa vandingada kusangana navo muhupenyu hwangu, asi munoda rumutsiriro. Muri kufa. Muri kubatwa nechadzimira chepamweya. Muri kufa. Musadaro. Mutriridzai icho chamuinacho. Chidzosei zvakare, nekukurumidza, Jesu asati auya.

²⁰⁸ Zvakanaka, pavari...Rambai muchiuya. Ingosiyai varambe vachiuya kusvikira tawana vese, vari kudanwa naShe, kumusoro kuno. Huyai zvino.

²⁰⁹ Bvisa chadzimira ichocco. Murapi mukuru ari pano zvino kuzochipodza, kuzochibvisa pauri. Aratidza kuti Ari pano. Vangani vachazviratidza, nekusimudza ruoko rwako, iti, "Ndinozvitenda zvechokwadi; kuti Akataura kuti Achaita izvi"? Maona? Zvino Ari pano. Maona? Maona? Iwe tenda.

²¹⁰ Zvino vangani vanoziva kuti ndiri kukuudzai chokwadi, kuti muri kufa uye munoda rumutsiriro? Maona? Ichokwadi.

²¹¹ Muri vanhu vakanaka. Haugone kuwana vamwe vari nani. Hakuna moyo inorova zviri nani, kupfuura iri pasi pemashati aya ekare ekuMaodzanyemba zasi kuno. Ndizvozvo, vanhu chaivo! Asi, vanhuwee, chitopepukai, nekukasika chaiko! Munguva yamusingafungiri, zvinogona kuitika. Zvinogona kusaitika; Handizive.

²¹² Asi, rangarira, uri kuwana yambiro yako yekupedzisira, saka tiza uchine nguva yekutiza. Huya zvino. Chero bedzi vari kuuya, ndicharamba ndakamirira, nokuti panogona kuva... Mweya 1 wakakosha senyika 10,000. Uye chero bedzi vanhu vari kunyengetedzeka...

²¹³ Ndinoda kuona izvi zvichishanduka kuva rumutsiriro rukuru kwazvo rwuchaunza chechi yose pano; kana mukaparadza kusawirirana kwenyu uye mobvisa hundini hwose ihwohwo, uye mogamuchira Mweya Mutsvene. Mati imi munoUtenda. Mati munoUtenda, uye, kana Wasvika pakuzvizivisa, zvino munopatsanurana mumwe kubva kune mumwe. Tadii tabatanidza moyo yedu neShoko raMwari uye totenda Chokwadi? Ndizvo zvachos. Munozongoramba muchifa, muchingofa, uye muri kutoenda chaizvo muchinopinda muRaodhikia. Chaizvoizvo zvaVakavimbisa, Zvichava saizvozvo. Haungauyewo here zvino? Iye zvino ndiro zuva racho. Iye zvino ndiyo nguva yacho inogamuchirwa. Tarisai zvichaitwa neMweya Mutsvene.

²¹⁴ Zvino ndinoda kuti vashumiri vose vari pano, vane hanya nevanhu ava, huyai munamate pamwe nenii, zvakare. Huyai kumusoro kuno, vashumiri vose vane hanya nevanhu ava. Huyai, ingouyai pose pano, mupinde pakati pevanhu, mushumiri kana mubatsiri pamweya, mubatsiri pamweya akanaka, madzimai angada kumira nemadzimai aya zvino. Ndichatenda, nemoyo wangu wese, kuti Mweya Mutsvene uchauya munzvimbo ino ipo pano zvino uye Wongozviratidza wose pakati pevanhu ava.

²¹⁵ Zvino regai ndiraire vanhu ava pano, kutanga. Zvino, shamwari, chero chamauyira pano, Anoziva. Uye ndinogona kuzviratidza kwamuri, Unotora, mumwe nemumwe, ndokuunzai kumusoro kuno papuratifomu, zvino hapazova nechinhu 1 chaAsiri kuzorega kukuzivisai. Zvino zvanga zvakadaro kubvira ndichiri mukomana mudiki. Chipo ichocco hachina mubvunzo. Asi mubvunzo ndewokuti, unogona kuchigamuchira here? Unochitenda here? Zvino Ari pano. Saka, kana Ari pano, zvadaro pane chinhu 1 chete, Anochengeta Shoko raKe. Zvino chingotenda kuti wachigamuchira, uye wozvigamuchira, wosimuka woti, “Ishe Mwari, ndiri pano kuti ndizvigamuchire,” uye chingogara ipapo kusvikira zvaitika.

²¹⁶ Sezvakataurwa naBuddy Robinson pane imwe nguva, mumunda wechibage. Akati, “Ishe, kana Mukasandipa Mweya Mutsvene, paMunodzoka Muchawana murwi wemapfupa ari pano chaipo.” Akanga akaperera zvizere. Uye hapana chauchawana kubva kuna Mwari kusvika waperera zvakakwana.

²¹⁷ Zvino, makambocherechedza here mhando yanhasi, mati mambocherechedza here nhasi zvatinoita? Isu, chaizvoizvo, tina Mwari akatikwanira zvekuti kana tasvika papuratifomu, tinoti, “Hongu, pamwe regai ndiuyeko.” Zvino ichi ndicho chiitiko chepasi rose. “Hongu, regaiwo ndiende kumusoro kwacho ndonomira.” Toti, “Manje, manje, handizivewo. Hezvo ndiri pano, munoono.” Hum! Inzvimbo yakadini yekuva mairi! Hapana moto uri kubvira. Hapana kana shungu dzacho. Hapana kana chinoti “pinda maZviri!” Uye, semuvhangeri, zvinongondiuraya kuona vanhu vaMwari vari muchimiro ichocco. Tiri kufanirwa kunge tichibvira moto.

²¹⁸ Asi, munoono, chimbori chii? Ndizvo chaizvo zvandakuudzai. Zvakazarurwa 3, “Une kakudziya. Uye,” Akati, “nokuti une kakudziya, zvino Ndichakusvipa kubva mumuromo maNgu.” Ndizvozvo? Ndizvo zvaAkataura. Uye, kana Akataura izvozvo, ndizvo zvaAchaita. Saka ngatiregei kuva mhomho iyoyo.

²¹⁹ Uri pano, une chishuwo. NgatiUwanei, kana kuti tofa, ipo pano. Ndizvozvo. NgatiUwanei, kana kuti tofa.

²²⁰ Zvino, hama, hanzvadzi yangu inodikanwa, dai ndaikwanisa kudzika kuzokubatsirai kuita chimwe chinhu, zvechokwadi

ndaizviita. Zvino, nechipo, ndinogona kukuudza zvawauyira pano. Ndinogona kukuudza zvazviri, neMweya Mutsvene, neMweya waMwari, ndokuudza zvawavinga, zvawakaita, zvichava ramangwana, kana zvimwe zvakadaro; asi izvozvo hazvigadzirisi nyaya yacho. Unofanira kugamuchira Izvi, pachako. Anofanira kuva ari iwe!

²²¹ Zvino wagadzirira here? Simudza ruoko rwako, uti, “Ndakagadzirira. Ndakagadzirira kufira pano chaipo.” Zvino usazviita kunze kwekunge uchirevesa pazviri. “Ndakagadzirira kufira ipo pano chaipo, kana kuzowana zvandinoda kubva kuna Mwari.” Ameni. Wanyatsogadzirira here?

²²² Zvino ungano ngaisimuke, kwese-kwese. Zvino pamwe chete, pamwe chete, ngatizvibatanidzei pamwe chete. Ngatinamatei. Uye ngatingo...Imi vashumiri zvino chifambai muchiuya kuvanhu ava pano, mumwe nomumwe, zvino muri kumiririra maoko aKristu zvino.

²²³ Iwe unoda Mweya Mutsvene, iwe unoda chiiitiko ichocco, kwete kunakidzwa kwemanyawi; unoda Mweya Mutsvene, Hupenyu, chizenga cheHupenyu mauri. Uye uchida kubvisa chadzimira ichocco chiri kuita kuti iwe—iwe usagone kuzvicherechedza pachako; hauzivi pawakamira; hauzive zvauri; ngatichibvisei iko zvino! Pane Kuberekwa patsva kwako pano, chaiko, Kuberekwa patsva kwechokwadi.

²²⁴ Zvino ngatiisei maoko edu pamusoro pevanhu ava. Regai, mumwe nemumwe, tisimudze maoko edu tinamate muhumwe.

²²⁵ Baba veKudenga, muZita raIshe Jesu, itai, Ishe, kuti muZita raJesu Kristu, kuti Mweya Mutsvene uuye manheru ano, manheru ano eMugovera, apo Mweya Mutsvene wakaburuka semhepo inovhuvhuta nesimba. Dai vanhu ava vabhabhatidza muMweya Mutsvene. Dai Moto neSimba raMwari zvikasavasiya. Vakange vari pano mangwanani, dai vakagara, vazogara kusvikira Mweya Mutsvene wauya.

²²⁶ Ndiyo pfungwa yacho! Ndizvozvo! Hoyoka Uyo. Ndiwo Mweya Mutsvene uri kuuya. (Ndapedza kuzviita. Ndinozviziva.)

Ndizvo zvoga. Utende zvino! Ugamuchire! Zadzwa nemaropafadzo aKe. 

**64-0411 Chadzimira Chepamweya
National Guard Armory
Birmingham, Alabama U.S.A.**

SHONA

©2024 VGR, ALL RIGHTS RESERVED

**VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org**

Chiziviso chekodzero

Kodzero dzose dzakachengetedza. Bhuku iri rinokwanisa kudhindhwapapirinda yekumba kuti ushandise uri iwe pachako kana kugovera kunze, usingatengesi, semudziyo wekuparadzira Evhangeri yaJesu Kristu. Bhuku iri harigoni kutengeswa, kudhindhwakawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

**VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.**

www.branham.org